



舍是集卷五

早行

倏忽柴扉遠今朝夢若何市侵雞月出天拂雁霜過假
蓋愁心悄遺簪哭路多卅年期不遇早晚各蹉跎

雪夜燈下有作二首

雨聲浙瀝微朔風旋到地然灰吹牆居布衾疊無寐漸
覺霏雪繁沈吟灑簷際羽閃纔瞥光絮起半空勢盈尺
倘可期封條此為瑞响田三白迷且足慰歲意由來沮
溺懷那問管葛事寂寂長漏遲冥冥獨門閉

舍是集

卷五

一

青燈愁照人夜久寒在足衆籟聆漸稀庭色皓盈目短
裘數挽衿病軀拘嚴肅心戀分寸陰瓶空雁鶩粟艱難
竭生理輾轉諒初服欲託友朋恩暫免溝壑辱一書三
輟毫恐懼氣先促冰霜催歲寒崢嶸序何速萬族各有
謀吾途亦云蹙事畜非難能慚同阮生哭

三姪泰和日來嬉戲作此令誦

吾生未有兒看女每深思雙睛點漆成頭角衆中異生

小舍嬌癡答語便作致手持蠟鳳皇跳踔就兄戲

次姪榮和

在余室聰明開祖顏攜坐不離位作對頗生情授詩暗能

記女昆弟三人惟女最其次童子雖嬉遊要當識禮義



雁行有後先讓黎古可識憶吾如女時親愛兄備至朝
出同車行暮歸共被暉流離中析居相望非我意有弟
寒無衣有兄未能事母嫂兩處亡庭前更缺侍皇皇三
十年隱心痛如刺語女女試聽及今務立志出身致青
雲入門敦行誼盛業須蚤成毋徒美材棄

立春日瓶中插紅梅一枝與大姪建和同詠

几上枝新折孤山何處花冰紋斜入格綵纈細含葩春
想青幃動詩慚白雪誇阿咸頻倩和聊與惜年華

乞雲生書代柬

毫端八法陋書奴十載臨池墨盡污格外清神追內史

舍是集

卷五

二

興來精氣突東吳高齋淨拓移詩榻短壁新安挂酒壺
乞汝一屏摹快雪對楹思繪北風圖

硯

尺面何年斲斧柯煙雲攜向匣中多一星眼活難容翳
千折心凹待作波鐵鑄不成人與錯石堅匪轉墨終磨
光陰又逐三冬盡看爾燈前抵節歌

辛卯正月戲詠揚州土俗四首

借元寶

俗以初五日祭賽邗溝財神廟人各擔
紙鏹數千歸取兆利益謂之借元寶

借來千萬飾辭工消息全憑一紙通祝史信陳迎送際
神靈默鑒有無中肩歸不厭旁人看心計何愁要路窮

回首廟門風雪暮可憐垣棟一朝空

猴兒戲

每年有北土人來以紅衣裝猴騎羊作馬馳騁市上鳴鑼斂錢又爲扒竿跳索

諸戲

跳躍身輕喜出場持箠舍馬却驅羊若教手足成拘束
未必衣裳稱短長百丈倒竿危倉卒兩頭調索笑郎當
誰家擲果深藏去觀者紛紛散堵牆

包燈人

揚州燈市轅門橋極盛纜綵爲人窮神盡態明季有包牝行者善製燈故至今

猶稱包燈

喧闐百衆看爭先儘愛春風悅目前畫出好顏偏渥澤
逼真情事太纏綿藻鋪華袞原無缺火熱中心亦有權

舍是集

卷五

三

紈綺翩翩終度閣虛價應惜地流錢

送盆魚

新正三五日人家以描金漆盆盛生魚數尾遞相餽遺烹魚名曰開生必擇吉日

云日

雕盆浮出玉鱗寒筍菜春盤可佐餐論值一金爭市上
餽先三日鑿冰殘沿門不覺求升易擇日誰知下箸難
安得閒池如子產洋洋長許借波瀾

題汪飲泉先生昉溪秋隱圖

君家溪上屋依舊傍清流鬢短青衫夢圖深白嶽秋于
茲懷故侶亦似悔前遊二十年前意吾知退轉由

赴浙江吳退旃學使幕平山堂留別同學

年年湖上游苦不及春早指數名園花臨風半開了歷
世如繭蟲束縛那自曉又復爲飢謀二浙行就道心愛
平山堂欲把西湖惱扁舟具言宴彌覺故人好午霽連
朝陰啼開數聲鳥波明天淡沲林疎日窈窕席借雲端
僧胡廬共傾倒人生無百年強半是衰老風雨乖懽娛
身名誤蒼昊一事不稱意百酌亦云少獨去觀海門洪
濤在烟杪黯然江南山醉別付潦草

客游廢吟作此自解

憶昨辭鄉園送者自崖反爲言永嘉山能令詩思遠挂
席望石門江上春已晚去游苕霅間月再試事葦爲謀
舍是集

卷五

四

恐失忠吟毫忍未吮歸杭病肝肺氣張那得喘積濕乘
熱蒸風淫四流衍醫師首鼠持五藏恨言淺年來耽佳
句苦嘔詎心損良友鍼砭投云當顧根本任事須神全
虛文抑實踐悲歌傷太和何如日加飯蒲簟身羸憑匪
石念一轉蔓語從茲刪存存道所善男兒有真名願與
天地辨窮達生我辰文字曷足勉

畏人

畏人存我拙客子一身難歸夢洪濤隔炎天碧草闌筆
煩堆案把書好背燈看欲究文章故蒼生問謝安
自從賢府主江國歷朝昏凍雨衝杯過春帆逆浪渾敢

爲歌哭地漫託友朋恩謀獲關人事心來一省存

自杭州歸病起偶成

久罷詩篇病亦侵回頭歲月笑塵襟春風未遣扁舟興
秋雨還尋故篋吟翻覆百端疲世味高華八代美余心
何當飯力精強後手把雲和細審音

劉楚楨先生將以明春赴保定阮小雲太守幕先

移宅歸寶應賦送

射陂田沒幾經秋隋苑螢光獨照愁又送葛洪移宅返
却教孫敬負書遊袍先舊雨分青草幕待春風度白溝
欲把驪駒易招隱雲帆今夕已難留

舍是集

卷五

五

和殷古農村闌中間雁

夢醒風簷一雁秋雲天今夕路悠悠無端棖觸偏驚晚
底使飄零又說愁銀蠟燼高霜滿地畫聲聲緩月當樓
分明嘹唳同聽處知爾沈吟欲白頭

辛卯冬仲冬巢先生集同好飲酒賦詩並繪圖以

誌時江湖夏漲水災未弭而淮南北又值鹽筴
更張乏商無郵冬巢先世故盛饘業効辦有力
躬際災艱尤有憂生之嗟而特於觴詠一寄焉
余自浙歸病瘡甫瘥爰爲短歌以繼諸公後

元冬病起遭時殃朋儔乖隔如參商出門目眊沙塵黃

窮黎填溢官道旁朔雪滿地呼風狂十步五步矐相望
荆揚水汜流離常徂夏歷秋猶湯湯孝廉有酒筵一張
要我晚來揮急觴掩耳蹶躡投書堂斗室熒煌燈燭光
二簋六豆左右行鼓鐘迢迢天繁霜星暗樓頭夜未央
暫時爲樂豈云康歲月有度運難量坐看髮短途悠長
身危溝瀆心奮傷主人緩節吟慨慷衆賓欲起重徬徨
我歌後發回中腸田復爲畝蛟龍藏思擇吉日迎東皇
乞米

卑處食糠粃朱門累黃金世路各自爾賦命理或任耽
奪與諂伺平生無此心亦復負狂氣甘爲洲澤沈春陰
舍是集 卷五 六

十日積飢烏啼荒林手持乞米書反唇稽曷禁高堂髮
晏理菽水爭寸陰吁嗟拙生計仰涕并淫霖窮思逮鼎
養轉迫惶懼深所恃良友惠匪善由斯今言詞極迂妄
曾未作色臨似聞汎舟助乃抱牀上衾

三年不事吟詠道樓北行別席率成二律並寄程

深甫工部

竹西愁爲別情招怕聽驪歌度碧簫忽漫那知行路苦
相看不覺歲華遙烟深紫陌長楊合水暖清河朔雪消
此去 帝鄉春正滿望君努力在雲霄
有懷奉檄學詩庭辛苦攻書筆未停結習篇章懲作戒

千時文字強無靈纏綿絃瑟哀春蛹寥落巾箱感夜螢
乘醉爲君歌一發因風寄與劇曹聽

冬日客海陵雜興

高城寂寞帶寒萊十里微波繞堞回拍拍水鳧飛不定
斜陽影裏挂帆來

擁鼻閒行趁早曦宮牆圍處雪消遲却教憶絕春時景
紅糝桃花映泮池

館翁舊爲掃荒園樂善橋邊屋尙存一飯未酬裘敝甚
怕驚顏喜不敲門

負米難將世態違抱琴那得便思歸昨宵何事偏愁絕

舍是集

卷五

七

暮雨昏鴉傍客飛

命窮天定豈難知鹿鹿翻令到處宜鑪火微紅燈炮綠
夜窗岑闋醒多時

廿年蠻角鬪蝸牛又向更樓聽報籌霜月滿天人踏影
觸將塵夢一回頭

城角高樓倚夕曛南山鐘磬上方聞忙心到此空何著
無限蒼茫海上雲

茶畦東畔板橋仍曉夕微吟立幾曾總覺寒渠清澈底
未能消得此時冰

與松臞對語竟夜

日脚赤漸收，千林落火繖。晦明爭循環，晝長夜已短。求道重茲生，奔迫恨途限。煩心如沸羹，到處格冷眼。張生塵隘居，蓬蒿門前滿。肘我東牆隅，苦留半菽飯。河側簷露垂，殘熱可稍忍。叢叢蚊蚋間，戀言說淺頻。呼缺齒婢，五更進餘菴。感彼無倦容，欲報恐太晚。燈炷臙漸侵，雞鳴促相遠。暫對母終忘，斯情異常眄。

釣竿

罷歌蓮渚東，理棹桂潭曲。手定風細搖，鱗纖浪驚逐。焚金錯鉤籠，籠青苦竹。陽鱈笑紛來，任公道何屬。

元宵對月

舍是集

卷五

八

銀海無垠玉宇寒，光華如此對憑闌。一年好又從今說，五夜思猶入夢看。風掩幔瓊瞻望隔，霞飄燈綵鵲飛殘。春陽徧踏知何處，腸斷歌聲欲和難。

題殷古農小照

磊磊山石粲漾漾，水泉綠山半千盤。松水邊一叢竹，畫手多情中置君。獨行獨坐殊超羣，我心正有好邱壑。忽漫披圖來白雲。

東齋獨坐友人以魚酒見餉賦此寄謝

開門柳色如黃金，流鶯百種啼春深。故人魚酒遠相餉，知我東齋空坐吟。檢點中厨風物美，嬌童細說情無已。

心醉糟邱萬古臺頭掉桃潭千尺水竹子湘妃圓錦文
齊將雙箸撥銀鱗流霞細嚼紅腴嚙獨向東風還憶君

哭李比部靜齋先生三十二韻

淵源尊舊德儒雅是吾師刊驛分帆路淮壖奉杖思飄
搖黃鳥詠奄溘白頭期不信傳聞耗難申痛哭私雲昏
緘鵬賦月落夢鴻儀粹性觀懷橘雄姿悟覆碁詞場誰
敵手翰藻獨揚眉再待公車詔頻登赤玉墀甲科名
大闡丁望器堪資粉署含香選秋曹執筆司尊真千里
慕組早二疏辭出處原同道優游却盛時春舡桃浪
闊晚圃菊苗滋令子庭趨鯉諸生海測蠡才儲皆俊彥

含是集

卷五

九

俗勵自風規齒髮桓榮茂圖書李泌奇縈懷猶紫極
行教且緇帷異地門爭候終天轍莫追我歸途叢集墓
展莽颺吹惻愴山陽笛簫條郭泰碑於今長已矣在昔
敢忘爲肺附葭蘿誼心投縞紵知談經容置席倒屣詫
羣兒綠水邀芙近烏臺借尺持說才甘肉抵評且錯金

披

吳退旃尚書視學兩浙先生薦鳳幕中曾賓谷師巡按兩淮書院課士先生校文而首置鳳始見知焉

短步旗亭葺高齋夜燭厄匪云陪賞亟儘聽訴飢遲楹

奠尋常坐魂招下上歧茫茫妖豎索眊眊哈人疑里社
虛成決文章盡與誰帳寒樽久溢燈閉穴窮窺欲報徐

君意西華帔獨悲

比部受業於族祖上木先生故首句云

題馬守眞雙鉤墨蘭

一筆一直筆一勒筆鋒用正兼用側寫將蘭影與蘭魂
亂葉叢花細於織瀾瀾湘波清照神盈盈啼眼墨巒痕
春風盡日對又玉想見魚鮒如畫人

秋夜書况

秋病侵元髮閒房掩綠苔窗松穿響入池月度光來虛
枕涼於水枯琴惜未灰宵深聞雁語有夢亦遲回

丙申正月初六夜試筆

徙倚虛堂入夜遙更籌酒盞共難消猛驚別歲人如昨
翻訝靈辰綵見招暖鼓催春新草識寒燈辭雪暗花搖

舍是集

卷五

十

今年定與償詩債轉眼風光第七朝

早春湖上餞送劉楚楨先生赴禮部試

溪光帶遠近遲日涵漪明晴雲落片影波底隨人行
舟集朋侶東風吹出城似爭別情早沿隄新草生倚棹
待明月芳樽綠已盈孝廉齒非暮強仕遊
神京懷刺未越境公卿交揖迎對策傾素蓄和聲蜚
時清春明展良足詆蕩影華纓
御溝萬條柳拂面聽新鶯雲霄
共相望道異心固并故田射陽岸幾年污潦橫半菽方
不飽霖雨且戒程勗哉攬長轡無爲念躬耕

題殷竹樓小樓

亦與市塵近知君心自選琴張水仙曲經注陸神茶低
翠前年竹高枝何處花獨吟應有望滿日是春華
未擬三層置先當百尺哦窗明人不隔簷靜鳥來過得
意觚聊把忘年墨與磨終朝無一客偶對我猶多

過建隆寺聽訥菴上人彈琴

松翠陰陰森古殿經幢日高僧起晏客來不顧惟揮琴
響作驚風調先變榆外沙荒舊磧空征人立馬聞飛鴻
鴻來連翩大絃上鴻唳激切操絃中絃緊絃緩意逐手
沈寥萬里迴長風我心愁絕不能去坐覺秋雲深幾重

觀吳叔庠與朱元思書因憶桐廬山水之勝恨往

舍是集

卷五

十一

者游蹤牽於塵事未罄豪素以當風月乘宵涉
想連綴成篇

我昔橫舟渡浙江夜聞越吟非吳腔更向金華訪山水
畫圖閱盡真無雙歸來口沫說不絕夢寐往往推蓬窗
當時塵垢苦掣肘無暇篇章但杯酒美哉妙筆先我傳
觸撥瑤函興驅走天山一色淨風煙繡嶺錦峰相臂連
駢林蔽日夾兩邊深谿左右禽蠻懸金霓明滅噴岍巔
澄波倒影何新鮮箭流奔開復蕩漾碧沙錦石縈清漣
鼓柁憶初去白雲怡我顏朝辭富陽驛夕宿嚴陵灘
君望不見飛蘿無由攀縹碧琉璃幾千頃鶻聲搖去仍

搖還美人粧。罷鴉鬢。彈腰比楊柳。更婀娜。爲言可惜是
青春。手持芳尊來勸我。薄暝看山新。捲簾紫霞散。靄沈
蒼巖落帆恰。與明月值流。光競彩。搖空薄。相思何處五
雲頂。欲上高樓橫綺琴。琵琶夜涼生。玉指七絃泠泠咽
幽水醉眠不覺醒。時清還弄晨曦。畫屏裏我生有志巔
涯間嘯指青松盟。不寒爲求微祿。奉羊裘。遂令夙好違
仙寰。好亦不能從祿。亦不可干勝游。一別凡五載。邱壑
自恨緣殊慳。長想沙頭雙白鷗。霜毛徧照澈底瀾。願將
散髮逐清影。富貴浮名空等閒。君不見錢王功高賜鐵
券。何如巖公盛世辭。朝冠冠客星。長揖鳳墀去。七里鳴瀧

舍是集

卷五

七

垂釣竿

泛舟過桃花菴見曩日門外桃花百株無一存者

感而賦此

桃花菴前溪水流。繞溪舊有千花浮。風光三月入菴畫
繁華占盡維揚州。幾年踏蹬塵埃道。每到花時說花好
相誇不數武陵源。有緣更訪天台島。水碧天晴此溯洄
亭空獨鳥啼。青苔寂寞春風笑。人面回頭意失傾。金鬘
當時紅斷平山路。無限歌船花挽住。人影迷離樹影低
霞光激灩波光度。紛紛絲管風中聞。我亦趨還忘日曛
只愁樺燭夜燒損。飛散涼空爲彩雲。而今零落歸何處

閑殺垂楊欲飛絮崔護重來門不開劉郎前度栽疑誤
十萬仙姝殊世姿幾人親見儼粧時野橋流水低徊徧
說與漁榔總未知

春雨新晴有懷蘊生却寄

兩日不見風前柳碧玉垂垂滿軒牖忽憶嵇庵賢主人
斑管搖詩苦低首字字齒牙冰雪漱朝朝魂夢蛟龍走
腐儒逐熱如蒼蠅長嘯高歌竟何有雨霽春天萬壑青
等閒桃李催人行好攜錦句一吟我我有花盞雙酒瓶
劉翥上巳日李榕園關部招同諸公東園修禊

豫賞鶯花地新晴雨露天勝遊沿洛制芳序入關堯年

舍是集

卷五

三

使節民攀駐行庖騎絡傳圖書供集禊簪黻照開筵日
暖輝凝樹風和響落泉別巖雲異色翻壑水爭妍嬌鳥
來窺鏡文鱗出聽絃沙明瑤草細橋度錦漪連桂嶺談
經客蘭亭敘坐賢觴應隨羽鶴劍擬捧金仙厭飲懽無
限陽春韻滿前桓桃期報好巴曲愧成篇

晚歸聞市中有唱吳江歌而行者意其爲吳榜人

也感而賦此

幾年襍被上吳艤簫苦聲難入市吮愁緒千迴仍故步
遠懷一觸轉新腔淒迷胥浦風吹夢慘慄蘇隄月落隴
同是感人偏異地誤予尋韻更空江

遊香阜寺

香林清闕掩丹扉寶殿岩龔做翠微花散日臨金刹淨
松深雲近玉幢飛鉢池聽梵魚初上錫座安禪鳥未歸
法界華嚴精轉處除將天眼識應稀
不城卜居城東西
室從北郭徙東城花竹相依亦自情五嶽未借禽慶去
一椽何似晏嬰更豹藏霧沒文章貴鵬止身餘禍福輕
自笑葦苕巢繫拙不須詹尹問平生

春曉曲

擬唐人春曉曲

天際彩雲明暗浦玉釵辨色琉璃戶
轆轤井上愁水寒

含是集

卷五

古

柳陰煙澀黃鸝語復道燒殘紅炬光九衢珂馬聲璫璫
春夢由來苦不足雞籌莫漫報深堂

題康瑞伯

發祥

圍鑪聽雪圖

我與君交卅年久蹤跡塵埃各揮手昨宵展卷瑩心神
舉杯如覲山陰人翻紛絹素灑初集門巷寒森樹僵立
不知海角天東西一片糝糊潑殘墨歲寒想見高齋情
琉璃凍合思冥冥醜顏近火兩耳熱冷韻撥灰雙眼明
蜃牖筠籠坐清絕鵝毛著紙風飄瞥十萬階前黃竹竿
夜靜微聞拘騷屑武功詩筆精而適陋軒仙裳非其儔
懸知老境更超詣聲在枯琴絃外求

題康瑞伯小澗山房圖

竹堵花廊窄不嫌臥遊聊作此身淹吐吞溟海雙襟在
收縮名山尺幅兼朗月夜懸徐孺榻晴曦朝對孟光簾
思君草賦門長閉倚筆千言那漏鹽

江水祠

壁沈秦代典祠置漢家儀芳藻猶羞沼靈風自颭旗岷
源吞海退蠡漲撼隄危願進神絃奏安流德所司良由

挽李榕園

彭章

關部

從此華筵散四并一棺長夜蓋功名早吟紅藥傳中禁
頻擁朱轡化外氓生已淮南犀帶束死疑天上玉樓成

舍是集

卷五

五

催耕誰種瞞官稷轉使能才拙水衡

關部有江南催耕編教民歲種再款

稻之

初夏病中偶成

炎氣初侵草溫風欲困人無情詩退筆多故病尋身怕
續深宵夢難空往事塵蓂苓非肺腑那望爾猶神
昏昏惟嬾睡聊與世緣疎日逐窗催燭風繙几閱書酒
尊慚客屣烏鳥愛吾廬獨有幽篁意相看晚照餘
謳吟成底事所學好難工雲鶴丹臺外風花玉鏡中隔
來思轉近微處力都窮體弱吾宗恨空期發後矇
百事無成感高堂鬢雪侵疾痾驚歲月歌哭劣聲音路

怯王陽坂知空鮑叔金流光猶可惜未敢任吾心

懷羅茗香

士琳

漢陽

憶子浮江去扁舟歲不居思歸漢陽樹旅食武昌魚雪盡千山路春遲一紙書那堪芳草色白髮暎門閭

江上再憶茗香

采采不堪

鸚鵡芳洲映綠苔故人何處玉緘開祇餘江水千回曲
流作桃花錦浪來

齋除四詠

盆荷

我聞玉井蓮丹蘂映初日淥水揚清芬仙人待結實如舍是集

卷五

六

何汲甕中置此亭亭質風雨聊護持泥污自高潔豈受
枝竹扶竟欲拔檐出夕陽分影來玲瓏動几漆坐想畫
船人幽潭烟波闊三十六陂秋秋深若爲別夢去時蕭
寥愁來亦孤絕青天火雲流庭宇蘊炎熱容華冰鏡中
一心照相澈花葉恆對當馨香孰能奪願爲君子裳上
奉清暑節其奈尺寸莖采采不堪綴

盆山

邱壑何人胸位置詎無意摩色非蒼天蟠根異厚地詎
假夸蛾靈趨負力可致花簾烟暝深回睇拭雙翳千盤
累寸基百變盈咫勢芥擘方舟藏苔侵已岑異刻劃窮

匠斤艱難笑兒戲亦有雲霞資吐納之奇氣秋風穿石頭俄頃落顏翠片片昆岡英木葉共零墜君看嵩華容不求幃闥媚神物憑降升曦暉互虧蔽宇宙何鉅纖慎哉真與僞

大盆草

雕牀文綺藉斐几薦清藻美人珊屨遲玉房正窈窕出門渺天涯歷亂聽幽鳥揚旗懷遠遊碧失南北道春光思寸盈未忍付草草淺土滋蒙茸雨露自蒼昊植分名未殊秀出器非小好風揚婀娜四角翠雲綠朝淪荒渚隈暮列畫屏表熒熒燈燭輝照見顏色好祗無二月花

舍是集

卷五

七

轉使蜂蝶惱大千灰劫移微蔓詎終保拔心手易施線滅香在爪應作案頭螢來照封禪藁

盆魚

魚性固虛動濡水安其常淺深卽境適何必非善藏綠波淨不唾紅鬣徐成行花莖注雲液一勺眞清涼高撐獨樹大葉底晶奩張風牽驗沫影日透浮鱗光升斗自人致脫手仍洋洋敢辭鮮飽恥至索枯肆償江湖歲月晏水深道路長舟楫倘與會期此毋相忘云何施翠綸而誤鉤餌芳樂知約亦在檻曲觀濠梁指化詎稽跡有

悟非惠莊

夏雨初霽書致小松

昨晴炎暘渾無著老屋幽眠儘堪託
兩長荷花三尺高
風定蟬吟幾聲作思君如月向青天
夢去乘舟情渺然
何日投綸到東海
相期一釣六鰲連

齋中酷暑有懷焦山寄問樵上人

火雲歊炎光燭龍耀天表
深院亭午時垂楊靜不裊
聒耳憎蟬聲觸處皆熱腦
手把蓮華經意著精藍好
攢峰合沓中幢影上煙杪
傾崖虧浮陽花閣瞰幽窅
江聲終日聞緣覺亦鷗鳥
晚眺松寥間雲虹正縹緲
期我同心人竟去那頭掉
問師今璨公安禪義都了樹
指娑羅陰舍是集

卷五

六

塵洗毒蛇惱四大都清涼
余懷坐空渺

送汪曉樓昇遊楚

玉笛樓頭月荷花江上秋
送君今日去憶我昔時遊
山是皖城好水連彭蠡
浮獨吟憐小謝清發更無儔

避謁獨坐因憶湖上荷花有作

記得蓮塘采一枝而今風景又深期
多情曾屬飛香句
觸熱難忘飲碧卮
楚客蘭旌烟外路
江斐瑤佩鏡中思
畫橈青翰遲相待
何處歌聲唱斷時

憶桐廬江上舊遊

當年浮鷁沂桐廬
來往烟波二月餘
曾訪仙人遙指樹

有懷星客竟歸漁水疑碧玉流無盡山作屏風畫不如
菱葉荷花三十里至今猶夢買田居

題美人石二首

甯爲織女池邊象莫登望夫江上臺雙星一歲一相見
幾見行人去復回

如何行不移只是心難轉江水日悠悠照影終覺淺

夏夜露坐見螢有感
春風已過秋風早又見螢光照人好碧化塵埃猶自飛
雙鬢年年不如草

以紈扇乞熙載畫牡丹

舍是集

卷五

九

扇紈精製良工誇搖漾團圓秋月華請君絕妙好手筆
畫作龍興寺裏花紅雲一朵扶嬌出粉本徐熙臨沒骨
舞珮傾城顧影來酒麝含春暫時活綠曉窗前調露盤
胭脂莫惜染多般持將走馬長街去或有時人把袂看
齋中日服翦方寸紅紙寫字教薛氏小童口占與

之

空有明珠想瓊囊蕭條潘鬢欲侵霜年來多少龍蛇字
付女琉璃硯匣藏

枕上

枕上銀河近欹斜望未明那知簾隔處空復雁飛情秋

老江潭路風零木葉聲欲前思短髮良夜已三更

疎籬般竹樓見邀泛湖看荷花歷數曩日亭臺無可復
山人目覩不勝興廢之感向午納涼蓮性寺暮歸過兩

與同作八幽居

嘉遊滯塵迹有約荷花開荷花待人久而我猶後來撥
棹向湖水路轉城闌裏碧葦低延綠驚禽乍飛起橋度
倚虹間波空人影閒簫聲歇荒草何處綠楊灣綠楊長
蕭疎零落兩三株虛無指點處十里珠簾路樓閣迷當
頭巖巒變移步長隄春柳陰香海慈雲曙名園交綺疏
紫燕飛難度洞天那堪言拳石今幾存寂歷見邱隴誰
舍是集

卷五

十一

招華屋魂高岸沒沙尾浸寬新漲痕雞頭縐綠葉團團
大如盆亭午入山寺斷瓦踏蘚翠小憩白塔陰清風逐
人至風來隔蓮塘微聞真性香橫闌眺烟水天淨搖紅
粧蘋末動涼色雲片催詩黑雨逐雙漿鳴菰蒲聽不息
傍晚循歸途傾懷酒一壺簫聲與明月瞥眼何有無秉
燭醉相對卽事聊爲娛斜點打篷急幽吟君偕予

題賈山人幽居

山人居處愛山幽巖壑階庭只臥遊時有鳥聲和葉落
絕無人影到溪流顏瓢挂月虛窗夜叔磬敲風暗壁秋
自說養病非避世知君猿鶴亦難儔

阮閣老府文選樓晚宴賦呈魯卿孔厚員外並令

姪又蘇恩海正堂

甲第江鄉重譽望選樓學火尚馨香地蟠洞壑雲霞氣
天賜圖書日月光韋相傳家籟自滿張華博物劍空
藏更登百尺瞻南極台座遙遙映壽昌

樺燭爭開綠玉卮金盤行炙繞花遲絃聲細轉風飄夜
鏡影深明月度墀主是竹林同泥酒客如山簡愛臨池
不須舞帽辭鸚鵡歸去還看倒接離

晨過文選樓下留示又蘇
相門不拒客晨起便經過賓莫攀黃閣巖仍夢綠蘿石
舍是集 卷五 五

高花態少風寂鳥聲多小坐成幽契涼陰拂扇羅

幼耽文選學每到一沈吟往古精靈在勞生歲月深雄

文猶似貌雌霓漫知音何日容春廡琅環不遠尋樓之東廂

卽琅嬛仙館

立秋後一日有懷趙蓮澈自皖江歸來近在同城

久不相見書此代言

別遙欲寄千緘書跡近翻教相見疎春歸徂暑又秋至

其間覲面僅一二對酒虛慚心醉人候門轉笑勢交事

我患熱疾頻臥牀渴思五色瓊瓜漿君爲高堂日負米

遙知腳插塵埃忙赤日東西不相及夢同永夜清風涼

昨夕前庭元燕翔高天零露欲爲霜無窮搖落古今感
期女登臨山水長

天寶宮闈政多缺魑魅潛形蟾蝕月馬嵬一哭新粧殘

粉黛三千夜喋血流傳此鏡年歲深當時鑄造疑江心
龍文細鏤雲寒護火色青熒星曙沈嵇庵論奇復嗜古
什襲若有精靈聚驪山宮殿幾萬重照盡紅顏一抔土
貴妃楊氏專承恩朝天並轡伊何人犀燭難窮素面醜
河清已暗潼關塵簷雨淋鈴返劍閣夫妻不終子道薄
碧海青霄鸞影空父老歛歔過花萼富貴幾時汾雁哀

舍是集

卷五

五

淒涼南內憶鈿釵可知金鑑千秋錄進御當年宰相才

同劉楚楨先生南城外尋九峰園遺址

城闕生秋陰秋風黯儔侶屢轉清濠西迤望豁平楚劉
侯窮足跡搜訪逮今古要我尋九峰荒園靡一礎遠近
幾人家茆屋出頽堵斷井迷縱橫寒葉落可數昔時

巡輦路宮觀別雲雨翬飛千屋簷鱗集萬梁柱

宸賞

捐凡珍但喜石頭聚錯列松邱間猿鶴儘堪伍蒼波闕
硯池染翰筆椽取文儵泳弄情草罷檻低俯我來弱冠
前門外尙無覩歲歲漕帥旌暫住聽笳鼓幾時藏壑舟
負去力何努漁罾歸近涯夕陽在深澈犖確纏蔓青斬

伏夜疑虎齒長蹊景更新襟攪陳緒飄飄短笻外飛鳥
相向語卽事觀有無同身感逆旅

夜雨

夢處芭蕉醒處聞一更更鼓一重雲離情欲訴遲無及
紅樹青山想夕曛

廿四橋晚望

龍舟南下汴河潮品第煙花到此橋璧月夢曾隨輦駐
錦帆塵已逐波銷姜郎離緒生紅藥杜牧清才憶玉簫
年代推移闌重數雷塘秋雨暮瀟瀟

檢篋中得前年金禹谷孝廉見示黃綠二牡丹詩

含是集

卷五

三

時忘報和久孤雅情率成數韻用申永好之意
洛陽姚花天下奇冠時獨壓羣芳低復有良工鬪新種
歐家碧映黃琉璃汪倫移贈花之寺飽看歸來學詩思
筆鍾精麗色絲辭紙研青葱濁河字尋聲重向春風吟
一語那敵千翠金眩人富貴無足道聊報空山求友心

二花爲孟慈農部有後移栽
花之寺禹谷在京見而賦之

近與竹樓往來至密書以贈之

自結風塵契陶陶握手餘情孤投易及意遠隔難疎夜
燭煎茶坐春船潑墨書聞君誇獨樂猶恨未能俱

采蓮曲

葉嶼花潭一色秋
鷓鴣鴻共沉浮
倚棹中央人四望
不知江水向何流

蓮心青似湖中水
蓮花紅似鏡中顏
手把柔莖不忍折
東灣惆悵又西灣

鯉魚風起白蘋微
珠釧輕搖雙漿飛
對面相逢不相語
可憐日暮並船歸

木蘭船上月如霜
若耶溪邊溪路長
莫向江南聽歌曲
江南曲苦斷人腸

宮女怨

粉黛三千共一羣
未央前殿夜無雲
君王隨例徵歌舞

舍是集

卷五

五

自度新聲不敢聞
未央前殿夜無雲
君王隨例徵歌舞

江南曲苦斷人腸

木蘭船上月如霜
若耶溪邊溪路長
莫向江南聽歌曲

鯉魚風起白蘋微
珠釧輕搖雙漿飛
對面相逢不相語

蓮心青似湖中水
蓮花紅似鏡中顏
手把柔莖不忍折

葉嶼花潭一色秋
鷓鴣鴻共沉浮
倚棹中央人四望

舍是集卷六

儀徵 王翼鳳 句生

擬行路難

服藥成神仙不如當前快意由一言滿堂累金玉不如
漿酒藿肉果飢腹紛紛道路塵埃間幾人歌笑幾人哭
勸君休躑躅爲君進一曲從來世事如轉軸他人那識
車翻覆

青春願影生暉光子夜聞歌斷人腸學劍不成空叱咤
飲酒不醉心傍徨我欲升天攬雲蜺燭龍照耀馳樽桑
西流之景一何速東流之水一何長寄語華年讀書客
舍是集

卷六

須臾髮白顏蒼蒼

靡曼新聲水上波和者非希悅者多間以箏琶絃繼以
鏡吹歌侈陳雜衆伎一一搖鞭頓轡爭來過龍門之桐
秉琴德獨繭朱絲寡女織一奏能傳山水情再彈能改
風雲色羞將雅調求先容遂令有曲無人識君不見百
尺亭亭澗底松冰雪常埋自孤直

羣鸞睨睨啼陽春東郊景物同時新佩服申椒采蘭杜
被除枉渚嬖芳津勸君爲樂須及早莫貴千金忘身老
風光滿眼不待人極目邛山長青草

鷓鴣避風來東門魯國臧孫驚是神廣張咸漢日相饗

含愁引畏不敢言凡物各自有本性黃蘗味苦冰井寒
故人自京洛貽我招隱篇重茵列鼎笑相謝荷鋤去墾
東臯田
昨日叱馭叩郊途今朝垂足呂梁水謂言行盡世崎嶇
豈料崎嶇當面起一步一回頭千里復萬里蟾除未墜
天雞鳴撫膈中宵淚如矢

萋蘿附喬松糾結兩不開一夕涼飈至飄墮隨塵埃榮
盛人共望萎落不相偕漫云理反覆本非同根荦若持
膠漆比心意安用碧玉珊瑚斂

徘徊欲出門出門風雨殊無聊昏霾覲面各相失但聞

舍是集

卷六

二

晨雞四答鳴膠膠夙昔二三子共矜金石交指星誓日
永爲好及泉張范期陶陶如何形神乖絕憑一念始信
人間江海原非遙

讀書不適用學賈亦當十倍償不然投觚從戎行食邑
萬戶封侯王男兒立志自如此臨流擊楫多慨慷途長
日已暮憂多心已傷寔不知人生富貴天所命有恩未

能報得不感激回中賜

去歲中園桃李枝今年紅白看成樹繁英落盡青實垂
渺渺芳華暗中度蟋蟀吟東階寒蟲號秋素遊子出門
不相顧誰念紅顏惜遲暮

傳聞海上舊有三神山秦皇遣使求真仙童男艸女總
堪羨乘風一去終不還口噉安期棗手拍洪崖肩月明
時偕王子晉玉笙吹徹伊水邊金屏石扇開天關縹緲
虛無如可攀便欲攜雞犬丹鑪上升去那能攢眉齷齪
遊人間

我聞尹伯奇掇蜂衣領遭讒譏又聞魯顏子拾塵曠野
疑宣尼蘇秦曾聞食駃騠夜光幾見投白圭豈有曾參
眞殺人告者三至絕毋機當前黑白易爲亂蒼蠅貝錦
終成疵浮雲可以掩日月欲辨堅冰嗟已遲

故人被藻垂華紳豪貴當時無比倫低頭肯顧賤庶士
舍是集

卷六

三

憫茲命運遭迍邐後車載歸與飲食綢繆木李情難誼
區區瓊瑤願爲報躑躅顏色徒頸延

君不見魯陽揮戈日舍返韓國又不見耿恭再拜飛泉
出疎勒匹夫秉志能感通地水天風皆變色人心見說
多幻殊到處烟雲渺難測我駕方南轅我僕追向北挂
帆朝濟瀟湘湄暮聞情人待我崑崙側欵歎復歎息歎
息所思安可得歸來堂上瞻白雲欲語無言自愴惻

靈雞負毛羽啄飲五德全不如野黃鵠矯然舉翮辭君
園脫略耳目好奇異人情大抵非今然我無山雉抱作
鳳皇瑞懷誠那達荆王前艱難日晏具藜藿三咽未忍

輕棄旃

泰山鬱岌巽羽安能窮其高
滄海深無底幽鱗那得測
其坳上有青蒼九重之皇
天下有四溟瀕洞之波濤
一身跼蹐何所致俯仰宇
宙徒形勞

送別包孟開

慎言回涇

藜牀皂帽氣難磨十載傾談共
薜蘿忽獨聽琴張翰去
更誰倒屣伸宣過山亭煙雨
迎歸棹潭水桃花訪踏歌
他日素書相望處倚虹秋色
暮愁多

盤營題準提庵返魂梅

眞州城在青山頭城中綠水
通江流自然土厚發奇怪

舍是集

卷六

四

梅樹作花枯不休花時繁馥
但聞說樹下摩挲欲攀絕
盤錯苦心穿蟻蟲吐吞元氣
迴冰雪矯矯離世虛空魂
鳥聲啼返孤山春絕代風流
今尙爾十年樹此伊何人
鼓鐘深沈雁堂黑劫火東風
幾消息新藥何曾忘故枝
仙鶴歸來倘相識

階下有雞冠花數株深秋坐對
顏色獨絕因憶春

谷先生近作多詠此題並夢陔
堂集中有和其

族祖岸園先生詩所謂彩雲篇
者率爾成句

清秋庭院秋風逼絳幘階前
似人直非草非花名漫呼
矯首霜天炫奇色青莎冷落
時獨行滿地蛩吟細如織

相看覺爾殊昂藏數向雞羣那得夢咳昨夜哦新詩
老去風情謝雕刻傳神疑睨洞簫聲一片彩雲拓篇仄
卷中紅影影中人笑擬雄鳴筆揚抑鴻雁江湖歲月多
自奮難飛幾胸臆羊裘終日噙塗鴉可惜生涯食餘肋
岌岌還期如晦音起舞蒼涼弁空側

奉贈劉孟瞻先生

淮海儒冠特達珍敝車空返洛京塵時將模楷推元禮
我欲風情觀許詢隴上三耕同石隱堂前再拜獨經陳
却從左疏窺真盜光伯分明有後身

笙簧篇

含是集

卷六

五

調笙先調簧窈窕清夜長含情舐珠味擣翻飄羅裳參
差十三管應風通八方匏魁統中氣篠榻攢四旁舒翹
鏤文象比翼翔儀皇黃金貼纖舌吹喻隨陰陽細以理
繁會大以諧鏗鏘洩響亦微渺清極羣聲揚美人坐堂
上陳器咸待張白雲懷悄切鸞吟勵慨慷表裏一相戾
聽者終傍徨繁星麗青天北斗森寒芒雅奏守斯度分
寸關較量引商激秋思河漢遙跂望

過茱萸灣胡于九

鳴阜

讀書草堂題贈

草堂高匹浣花幽有興頻來繫釣舟牀空半邊惟落葉
檻虛三面各浮鷗疎狂我欲希羊仲慷慨時能說馬周

多少秋風庭樹老閉門終日苦低頭

春情

闌干倚著便綢繆雲去閒庭影尙留芳草綠牽連夜夢
海棠紅盡一春愁日遲錦瑟鶯都懶風軟瓊鈿燕故羞
百種相思千種好華年如水更難酬

河千晚眺

岸柳蕭疎外河流屈曲中帆低移遠日潮急上斜風野
鳥隨人渡山鐘引寺空欲從漁父問源路幾桃紅
蜉蝣無朝暮蟪蛄無春秋人生到老不滿百視彼二蟲

舍是集

卷六

六

何短修有山可以瞻眺有水可以泳游得失自頃刻天
地良悠悠棘津垂釣亦已老五穀食牛身不差輕爲毫
末重比山邱召忽自經夷吾受囚虛名隨人各顛倒千
秋萬歲那得知其由不如策駟馬駕華輶酌甘醴御輕
裘心翺翔乎萬仞目眇小兮齊州聊逍遙以取適奚局
縮兮煩憂

題汪笠田桃花潭小影

我聞桃花潭綠傍涇川水每憶踏歌行春風幾千里春
風送客天之涯春水泛泛流桃花桃花顏色紅可人令
人對水思汪倫霜毫癡絕虎頭筆傳神寫出君前身上

有天桃分露井下有澄潭深百頃
花落花開自古今
是人非一光景
今人不見古時情
古潭猶照今人影
白袷吟衫柳拂長
烏角紗巾石欹竝
我欲還乘李白舟
尋君直到水西頭
波長路遠人何處
萬壑千谿猿共愁

枕上聞鳥

夢覺春無那
空庭半著煙
一聲何處鳥
幾日欲晴天
清怯侵花甚
愁關到耳偏
朝光催睡起
可是爲華年

題贈無明上人

上人無明名
觀空更應朗
手持白拂子
不挂生滅想
結茅人境外
種田豆苗長
問他年幾何
孤松面長仰
看罷蓮華經
前溪夜鐘響
月出巖徑微
有時還獨往

舍是集

卷六

七

苔色

苔色看看近
春華故故深
遲迴袍乍映
隱約屨相尋
天遠鶯沈響
雲移樹隔陰
董生幽幌下
日夕對書吟

題春谷先生一經授子圖小照

先生卓絕天人姿
經術爲文吾黨師
老抱遺編日莘矻
傳薪喜有非常兒
一堂俯仰愛光景
畫工點筆神來時
籛金匪重業
斯重學染更甚丹青
爲我自摳衣
鯉庭側著書一
容管窺疑析周官最精確
灰飛劫火無留遺
先生少著周官析疑二
十卷道光庚寅燼於火
天挺璠璣俾似續
典微餘旨昌

衆達從茲家訓不暫輟續成六典囊 皇儀秋矩春規
儼然望樂和禮節宛爾隨皎皎已驚出羣鶴還映紫芝
眞字奇高齋把燭張絹素更看置膝要賓辭侍中前席
雖許廁頗慚形穢同徽薰郎君髫歲特霞舉顧盼轉覺
肩難差釘黎屬屨好我久郢雪先唱希聲遲所聞實多
又所見陳亢仍欲求其私

移居四首

更豈非吾願遷幽亦自便堵環深坐處幔卷密吟前山
水方搖落風雲總涉閉門無限事未擬問青天

小堂秋草畔棲託且因人燕雀誰相賀琴書略與陳厨
舍是集 卷六 八

分增竈火樹合兩家春隔席呼杯酒何須更買鄰

後宅與朱

君小畦
同居

莫道迴廊窄堪憐晚步時石欹新出角梅老亂橫枝披
帽風絲細零衣月片遲檐前涼意動一望一番思

筵竹虛安牖穿藜倒著牀偶來成境遇閒過覺時光傳
置誰如鄭牆窺我媿王幾時還出戶高賦待重陽

丙申七夕同蘊生飲春谷先生且齋

高齋涼敞半天秋且就佳期話女牛楊柳不堪疎近酒
池塘還與續成遊蠟催燈影蛩侵席錦度機聲雁在樓
無限悲歡共搖落併將深夜作綢繆

又從今夕感今年萍聚重來一記緣共指銀河橋渡外
獨看元髮鏡分前伯勞飛散星沈石王母歸時海變田
暫把風光吟過客欲攀雲駕七襄遷

對燭

燈檠閒却鏡光沈蠟燼低含簾色深人去幾時憐倦眼

書來何處惜明心雙融倒鳳春難值亂繞飛蛾曙欲侵
好並博山香不滅陽臺還與夢相尋

秦玉生

獻

孝廉爲吳門顧君湘舟繪平山堂紀遊

圖頃以札述屬題

我耳君名未曾見合把披圖當識面圖宜快觀來故遲

含是集

卷六

九

孝廉走筆先催詩其人其事想超絕枯籐獨拄松風吹
粉翠江峰插天起歐公堂在山光裏記我遊蹤三十年
畫屏開合隨雲烟芳春明月不知數爛醉玉壺傾酒錢
舊情新躡吟秋暮落葉吳門客歸去此日思君方臥遊
霜縑認取鴻來處

昨夜

昨夜雲邊月團圞上鏡臺雨散一相失宵長空復回錦

衾鸞對影蠟燭鳳成灰似此天難曉中懷那日開

武當行宮高守康尊師有道者也心契眞詮未遑

參叩昨以畫像介人屬題因書二絕奉贈

幾年虎蹠閉松關若箇相逢異等閒豈有塵中能久住
看君不免鬢毛斑

浪向洪鑪覓大還從來仙境在人間桃花十色蓬萊樹
只隔東風不隔山

金橘

中園嘉果繁懿筐落秋實眇茲洞庭種清馨蘊纈密駢
枝森葉青霜叢玉英瑟瑟星精含的的膏蜜溢柔氣
包乾陽孕采耀寒日登應陪瑤砧執豈匹榛栗君子貞
幽居深根慎井緇不食空所懷冉冉時可恤

逝水重陽獨酌賦呈春谷先生暨諸同好

舍是集

卷六

十

逝水無停川勞生倦爲役豈不懼佳辰同心眇良覲淒
淒簷景寒蹠蹠葉響積獨酌一尊酒含情竟茲夕往者
黃花期屢陪龍山客側帽念舊恩奉杖滯新跡羊求當
時賢琴俎眷三益瓊瑤虛惠投索處愧深責旣興瓠落
悲彌滋契闊惜開門向晴空獨看鷺鳥翩蕭寥霜氣前
江葭老叢碧我有洄溯懷無由達咫尺

山高行

山高高兮徒步可越水深深兮一葦可筏山豈不高水
豈不深羊腸魚腹何事沉吟仄行畏人直行畏虎礮礮
崎嶇念車輪兮太苦車者借問駕言焉從浮雲粥粥或

西或東沙塵眯目飛禽隨風此近彼遠何時相逢憂亦
喜笑樂亦怨歎苟憂樂之一睇又奚辭夫燠寒中天明
月自流去安能曲室照我顏

杪秋步至平山堂下眺望

跡隘看山眼不寬行來雙屐繚雲端 宸遊自古烟花
地 翰灑當年士女觀圖畫長江眞作勢琉璃飛觀舊
塗丹 巡方 聖製關民物碑矗龜趺篆蘚寒

黃葉

隱者柴門外扁舟自往還猶憐春水夢空對曉霜顏苔
暎筇孤立猿啼峽幾灣莫辭柯易改欲去與重攀

舍是集

卷六

十一

病目淚作

泣母當年血哀餘到此彈瓊邊懷滿易琴畔睫承難滴
滴清如許行行拭未乾自知肝膽病宵燭影頻看

詠闌天竹

竹子虛心虛未明別將貞慤森炎精枝叢葉葉細作響
滑翠琉璃工刻成疑來瀛鳥高頭立吐出珍珠血千粒
絡索朱旒垂不搖鮮妍丹琲渥猶濕南山處士方袍方
移近高齋黃粉牆瘦竿亭亭八尺長獨把光華凌雪霜

晚入朱端人園中有作留贈

園林在塵市深藏較山僻偶借秋風至獨與晚興適蕭

寥黃葉天三五落近夕回首穠華非不覺歲月積幽徑
猶苔紋高巖但鳥跡庭宇亦已寬履綦速來易主人遊
未歸客心企遐寂隔戶窺琴書蠹蝓挂虛壁遙憐河上
歌行荒柳邊宅雲鶴空徘徊何當息長翻

與經子通

濟

池上作

幽潔眞天然斯池豈人鑿同來攀檻觀那非知魚樂簾
覆花濛濛苔浮影漠漠孰云江海深而可遣一勺波瀾
尋尺間風至自不作石鏡懸未空匏樽坐堪酌明月時
來窺鑑形詎爲薄

飲官雲弟三十生日

舍是集

卷六

三

憶吾三十女今時弟壯看兄歲益遲教爾棄書貧賤恨
爲親求粟別離思原鴿風急歌頻和江雁雲寒宅又移
感到有生同氣咽一卮雙手不能辭

門有車馬客行

門有車馬客倏忽如雲屯赫奕四海譽都麗上國賓主
人降階揖左右低踈巡錦檐曳霞霧珠履排星辰中堂
炳華燭列坐敷重茵醇醕多且旨珍殽雜前陳片言偶
出口早達要路津宵長樂無已燕姬秦美人清歌愜衆
意妙舞嬌千春主觴上賓壽賓酢酬主仁繁音導衷曲
當面無由申醉處良宴會醒時清路塵紛紛九衢跡那

辨何蹄輪不寐聞晨禽坐起聊歎呻
冬窗卽興
朝曦新著紙窗明照眼詩篇字字清千古雲霞真變色
幾人花鳥浪關情毫邊凍釋神都妙茗外甘回骨亦輕
洗出穠華還是雪那須芳樹覓鶯聲

夜夜曲

惟有青銅識玉顏那知萬水更千山夢來只在寒檢側
一聽雜聲便淚潛

錦字同心織不開金條纏臂繞仍回羊燈自照空房宿
明月春風何處來

含是集

卷六

三

又擬夜夜曲

蛾影飛空紅蠟光燼灰撥盡紫檀香錦衾暮展朝還合
漏點中間短復長

梧葉聲多雨液乾晶簾高捲碧河殘篋篋那惜彈千徧
怪底絃如十指寒

獨漉篇

獨漉獨漉汚泥陷玉泥自非清河自非濁河流洋洋以
舟以方龍鼉游泳蛟龍潛藏風波不作行人如常登高
長嘯天地悠悠蓬蒿千古賢愚一邱鼓鼓鐘鐘今夕何
夕我有旨酒予當悅懌旨酒雖多甘飲則眩烈士有心

衆處莫見誰言嶮苦更有秋茶自謂曲寡酣歌羣呼壯齒倏暮人生須臾

枕上聞雞

杼斷雞聲夢有無殘燈一觸淚模糊恨侵霜切穿寒枕響逐風愁散野蕪催到勞勞天欲曉憶回歷歷海難枯卅年起舞中宵望痛絕兒身壯歲徂

題羅茗香匹馬邊關圖時方客遊漢上卽以奉懷

前年記君春風時拂劍歸來衣已緇縱談壯遊自得意豪氣尙與雲驅馳臨榆關門幾千里匹馬徑去渡遼水化鶴城邊吹笛來障鷹臺上呼風起雲氣峩峩無限山

舍是集

卷六

十四

靈芝光出 三陵間鋪陳景鏤盡目見踏徧碧蹄霜不寒貂裘被酒銀鞍穩錦縣花開又春返仰面看天星一終長嘯思家足雙蹇指點丹青何處蹤鬚眉想入蕭寥通砧聲似欲啼盧婦帽影猶應懷管公春初屬我書長句一別芳蕪歲云暮縞素重開如面人遠道歌殘憶江樹漢水連吳天際流此中能容萬斛舟那復風塵說辛苦巖疆日落控驂騮

望月有懷蘊生

望月每相思相思君不知迢迢何處路落落此時期丹鶴盤雲上絃鴻入夜遲寸心天咫尺欲寄更憑誰

寒夜獨吟

高堂客散華燭深銅壺迢遙聲漸沉白雪誰調郢中曲
淅水罷奏幽絃琴此時欲寄情何極此際含懷若爲識
楓葉蘆花人悄然青天白雲夜寒色忽憶離居江海餘
經年望絕瑤緘書相思欲眠月未落縹緲霜鴻疑有無

新建汪氏兩孝子祠成孟慈員外屬賦

祠在揚州北來寺後

大竹園內員外建以祀其祖兆初先生暨族祖伯高先生兩孝子

崇祠倚精藍檀欒竹林茂碧筠千故枝粉堵一新構翼
翼仙署郎繩繩明德胄謀欽坊表詒美稱弟兄秀瀝血
和藥嘗真誠籲神祐跣奔喪二親柴毀沒在疚身殤名

舍是集

卷六

五

則存數極理非繆題章俞王綸列楹升里豆繫余偕
冠童春服陪安侑明信微曷陳風微朗如覲尊彝聯雁
行仰止動柔廡從來訓人倫庸行光世宙矧茲并二難
色氣引星宿笙雍綿慶門玉婉式崑岫歌以落斯成聊
當白華右

久不見問樵上人聞其屏絕世事獨往高明寺繙

閱經藏缺爲面送書此代柬

問公詩宗秀精琴更無比風臺要詠花夜室况流水云
何千燈光照澈一心理紛解微塵微觀空指月指諸天
說法林掉頭去不止電露當了如文字偶然爾風松灑

絃冰雪潭洗硯綺義宏鹿苑宣善引鵲園喜五時虛慧
參十力致埃企請看青巖烟願結從此始

八月十三夜玩月作

又與冰輪共碧寥盈盈未缺欲圓宵千回照影人都好
百徧尋思夜轉遙雁別幾時雲不定江流何處雪難消
清光著我分明裏腸斷當年聽玉簫

明鏡篇

炎焰歆騰金色淨盡掃氛埃鑄明鏡冶從駿馬採精英
規向圓蟾擬端正試比夷則上列星更聞軒轅能却病
千年銘刻古篆文百鍊銅存不磨性皎皎寒光浸雪瑩

含是集

卷六

十六

盈盈止水湛神清銀奩並啟當雕牖寶帶雙盤挂繡楹
繡楹雕牖人如玉靚服凝粧看未足對面爭羞粉麗妍
迴眸巧笑波連屬春風有意那相猜秋月無心似相逐
相將秋去又春來懷抱團圓底著灰拂徧長條千柳細
照殘新樹萬花開隨身自帶芙蓉匣下馬先安玳瑁臺
宮主袖邊分復合秦嘉枕畔喜頻催袖邊枕畔宜珍重
等閒舞罷青么鳳窗虛幌動致留連霧翳雲昏失空洞
臉影迷離孰暫窺眉情髣髴誰爲送從此羅巾拭暗啼
從今桂燭燃孤夢夢裏明明石匪移青衣何處索還期
同心同膽名自保鑒人鑒物理難持形神表裏空都礙

日月蹉跎一更代但覺塵封時已深再尋負局人何在
沉霾疇與重摩按珠粉金膏誤爾多夜夜苔華成絳氣
恨隨飛鵲上天河

前祈雨謠

雷車憑陵黑雲怒旱火全燿雨淋注青苗三尺燠復蘇
頃刻溝渠水奔赴感通誰知太守誠夜夜徒步天四更
守能禱神神福民何以報之守長生

謂前太守豫公

後祈雪謠

滿街禁屠魚肉絕社廟熏壇再祈雪符陳民瘼呼蒼天
道士叩額額流血郊原無冰陽氣游訛言蝗動搖其頭

舍是集

卷六

七

農夫減食食黃牛明年不耕太守憂

題包慎伯世臣先生執筆圖

書法諸法誰最先求所得魚筆其筌筆端乃具大神力
法在執筆中有權希聲誓光授口訣二王不絕真淵源
肩吾月旦別流品過庭譜說空長篇崇山兔毫湘竹節
當代揮灑紛雲煙競向安吳訪道要門牆鑽仰窮高堅
我亦從游二十載練裊染盡池墨痕私疑巧妙出意外
不知領受何天仙撮襟飛鴻戲海水屈穎長松垂石根
却當據几悟身教非筆非指非言詮心凝入管意冥造
容體肅穆如對君雙腳萬脈齊用勁紙背已透秋毫顛

忽然若奮若搏攫鵲落一點金斤千從容裘帶畢餘事
宛看羽扇揮軍旋弟子升堂首季札

謂吳熙載

畫窺握捻宵

廢眠藝舟楫發尙恐秘

先生撰藝舟雙楫中有書品說書數篇木刻藏柳蔭菴中

丹

青卓爾懸精專嗟余早病損中氣振挽索弱如蛻蟬寢

饋寶山返空手恨極聞見偏面前昨承指月示文字觀

音似涉觀我禪請書錦贖當讚誦更繪頂上圓光圖

時先

生自吳門歸新作有千手千眼觀世音菩薩讚

詠海棠畫幀

十尺冰綃影三春海國天捲來珠幙底看近玉臺前嫩

蘂叢叢細新陰葉葉鮮紫長抽蒂蠟紅淺簇犀鉛妙繪

含是集

卷六

六

塵都隔凝粧燭故然密疑排錦線齊欲並銀鈿雲液涼

生雨風稜澹溜烟紗屏遮四面繡檻凭雙肩屬想情如

夢傳神望是仙態深脂粉韻足管兼絃芳序鶯無那

幽蹤蝶可憐名香熏不染清恨到黃荃

汪孟慈農部書來道其尊公儒林先生曾校書金

山精法樓去歲京口人士共立木主奉祀其上

並要余詩以備乘志蓋農部前主講寶晉書院

以經術文章善誘來學諸生於其去後相率更

有是舉旣美農部之述德歸善信服在人而益

深小子以高山仰止思焉

吾鄉有達人矜式盛當世高名傳儒林雄姿軼文藝偉
哉鯉庭承美矣鳳毛濟講幄懸潤州經術繼邊笥擘嶼
金山峰飛樓翼丹麗裘帶時來遊手澤憶茲地仰止和
從賢淵源去日思畫几臨晴波雕箋薦薌糯神迎花塢
前位妥錦函次風流江水長雅道望不墜古者隆祀典
功德議勿替峴首一片碑遠墮居民淚得權行所求尸
祝自生致無實徒張皇山川詎維繫豪傑悲遇窮佔畢
恥細事名足軒轍趨身許顧厨備重繙天祿藏載啟淑
世義棲跡夫何常沒身感其類遠聞稱美談近切嚮往
志微論豪素間聊與辦香寄

舍是集

卷六

九

探梅蜀岡有懷

逋客山庭文未移幾番來與縞衣期盼回春信人猶遠
吟入風光鳥欲遲迢遞關河書待寄深沈池館笛相思
芳華漫遣花如雪愁見青青柳萬枝

春盡自述

鴻盡千林闕春殘一樹留懶書疎友氣沈病替花愁歲
瘠東臯畝天虛北郭舟祇餘神釋理欲向影形求

野望

十年風木痛臯魚忽漫荒原落照餘寒雁叫殘天外路
孤雲飛散夢中廬文章計失匆匆景冰雪愁空咄咄書

欲報艱難惟涕淚重泉今日望都虛

丙申除夕作

蒼光寒逼二更過剩得鑪灰撥幾何萬事驚心催夜燭
一年回首擲風梭詩堪薄祭人逾瘦硯待深埋鐵未磨
惟有一卮堂上祝願逢新歲吉祥多

筮篋引

我倡筮篋引發聲心內傷惡風衝浪起飛水如沙揚鬼
伯四睽矚直步行偃偃父母哭向我那及申肺腸兄弟
競持我十指裂衣裳路人不察我謂我太猖狂古聖制
禮義變通原有方萬端自縛束平地成呂梁室中有織
舍是集

卷六

二十

布倉中有儲梁亂流一失足反顧何時忘

庭中玩殘雪

素琴罷清晝整領契寥闐殘雪遲日消空庭晚煙幕苔
叢濕復鮮簷溜凍猶滴冥鴻已高飛泥跡何處覓

代閨人寄遠

一從橫草去金微目斷惟看燕雁飛何日將軍畫麟閣
歸來無事脫征衣
熏鑪銷歇被氤氳玉筋雙垂爲憶君誰說關山無限路
音書只隔海頭雲

代答

旃廬聽鼓枕雕鞍雪淨荒沙立馬寒昨夜夢中楊柳色
不知曾上畫樓看
絕域功名分莫攀從來征戰少人還封侯裹革尋常事
底用傷心到玉顏

白石歌和春谷先生

翩翾雙鴻鵠傷弓墜毛羽試問行路人何如白石愈山
中有白石雲中有激怒白石不敢飛白石不敢語山風
發發吹石起石若語時石當死

題月之房古藤

盤根莫記古年華青入山寮到處遮一地深藏無鳥雀

舍是集

卷六

三

半空驚出似龍蛇風前故裊猗猗蔓春後還開索索花
不識苔房鐘磬寂何人相伴老煙霞

題竹西亭

空亭一角野雲低路指繁華古竹西明月更無盤馬立
春風猶聽亂鶯啼鮑家賦閱蕪城水隋苑簫沈寶帶泥
只有山光禪智好年年青草鉅相攜

升天行

山上白雲如芙蓉忽焉變作雙飛龍頭角一西復一東
戲弄赤景合清風我欲升天訴元氣呼龍爲覓青海童
滿身照耀日華紫銀臺碧闕排虛空此時得意難再逢

桃實一摘千年紅鳳簫聲中自來往下視塵界煙濛濛
畫梅歌贈殷古農

古農畫梅非畫工倚牀吮筆情態慵豈知勁氣出筆內
手挽忽落枝橫空一花兩花寫韻遠千叢萬叢壓春巖
竹外溪邊何處窺驢背歸來興不淺圖成焚香只閉關
疎者難補繁難刪模糊老壁尙疑雪五月草堂生薄寒
我能讀畫辨月指除却梅花有畫理世人但解形貌求
無怪君心冷如水

雨中游雲山閣

積晨踐初約沈陰連杪秋岩巽出林閣倭遲沿岸舟丹

含是集

卷六

三

聖葉分色蒼漪落減流卽刻自孤興入竹彌造幽寥廓
素軒敞徘徊清竚留晚花謝今客元燕空故樓戾戾風
續至淫淫雲滲浮竇響暗聞壑沙昏遙辨洲棖藿易昔
構文雅懷前修時過一俯仰想佇增綢繆精盡弓固在
質死臣亦休悠然淇水賦駕游寧寫憂

白玉篇

白玉美兮天所鍾龍首之山若水東有人爲爾泣盡血
提攜時恐遭蛟龍清光朗耀疑積雪寶色上騰爲飛虹
圭角磨礪滅瘢瘳粹經營辛苦思良工黃勻青金外朱中
天子巡狩前祝宗豈徒淹久在下邑庇蔭嘉穀年和豐

五都請值不肯受，
經經詎與愚蒙同。
端冕元服致齋戒，
襲以緹巾巾十重。
春情俗識那知寶，
慎勿輕出他人從。
一朝失手倘墮地，
泥塗沙礫長相蒙。

湖上水亭晚眺

野氣含夕陰，樵歌下松嶺。
虛亭水郭外，倚杖眺孤迥。
岸遠激微漪，天空薄懸景。
荷芰零風馨，菰蔣汎秋梗。
陽鴻盼來遙，元蠅聽吟靜。
殘霞連雨明，細點雜俄頃。
孽莽深素懷，整襟足遐領。
欲濟遲暮心，招招孰烟艇。

含是集

卷六

三

素勳游將里，
遠涉於高臺。
昔時臨眺處，
興來羨天賦。
難知精氣爽，
無雨即臨眺。
靜舟與聖去，
教增漸能天。
空靜想長安，
雲風縹緲。
龍其林，
賦則興。
徑談合又劍，
熱好下感壽。
重事未應入，
尚其湖底。
一樽夫子，
醉望眼，
馳望也，
歸是林，
集。

正格請歸不肯受，
經經詎與愚蒙同。
端冕元服致齋戒，
襲以緹巾巾十重。
春情俗識那知寶，
慎勿輕出他人從。
一朝失手倘墮地，
泥塗沙礫長相蒙。

舍是集卷七

儀徵 王翼鳳 句生

丁酉元旦試筆詠日

鳳朔開初序龍銜耀早暉一元周度始三畫表符微幡
影高流彩簫聲暖著霏南檐傾藿意還傍五雲飛
幔卷庭前午義輪轉愛長杯盤懽駐景履職淨生光雲
珥新扶赤天人舊守黃從今榮百卉華映有文章

春江花月夜

森渺流光千里新石潭人與度芳春林柯對照花凝彩
岸水紛搖月漾輪遙遙此夜情何極北燕南鴻少消息
舍是集 卷七 一

樓中歡笑異年時鏡裏容華催曙色

印香詞

銀印金盤字鏤雕合成龍腦伴檀燒迴環那惜心灰盡
直送香烟上紫霄

辭金陵買舟渡江

策對空慚劉顯知蒼生休問謝安時十年塵夢橫江水
一夕秋風返駕思更過石城人老大欲題紅樹筆離披
滄波著我扁舟去鴻點樓霞目送遲

江口阻風登燕子磯

磯頭標巨構巖業勢若戴飛流瞰層簷清飈上凌隘側

身窮鳥巔目駭天地大功名三百秋六代互屯秦雖聞
沈鐵鎖終見送青蓋江山幾今古浮雲忽來外如何東
南風不與統羽會平生忠信微涉險敢云賴躄躄詠巾
須逝者復茲喟

采葛篇

采葛葛已長行行洛溪下黃花煙裊枝白絲雪盈把佳
人攜素手春閨日游冶良工懷苦辛什襲願相假天地
有搖落根蒂結聊且絺紵何時成涼風生廣野

游雨花岡謁海公祠

四山落日照翕絕草木光徘徊出曠野升降踰崇岡東
舍是集

卷七

二

流時代駛北顧邱壘荒寒蟲已號叫烟鴻正翱翔式懷
前賢風亮節扶剛常鑄像袍笏儼報功蘋藻香迢遙方
景祠松柏鬱相望主臣際如此艱哉頌明良

野花

昔日亭臯盛事闌花生如草道旁看問名可入羣芳譜
識面曾經軟繡鞍到此春風殊冷落了無情緒漸開殘
芳菲九十空塵土誰信微根固結難

日出行

日出曙光赫雄雞高樹啼行子起飽飯僕夫前致辭整
車駕駟馬出門將安之天傾不滿北水流不回西朔風

霰如矢冰雪交路衢飢虎對人立豺狼鼓其頤各各自
保愛時時畏讒譏憂來靡定方運往何端倪同心而異
轍遠游當告誰

晚步湘蘭隄上

客遊無與歡塵勞間幽賞况茲搖落深開門益心快絺
衣披夕閒步延一襟爽寒泚臨修隄迴尋復縈丈日落
澄餘暉孤霞渺雲上遠情涵涖涯微風動菰蔣美人殊
異姿絕代一以往散屨零香塵湖河若聞響相思我後
來良覲勞夢想沉吟冥鴻飛循途望烟塊

花蝶詞

舍是集

卷七

三

綠水池邊樹氤氳花正開青苔人去路惟有蝶飛來飛
飛惜光景韶序樓臺永花香蝶不離蝶舞花偏並宛轉
遊絲百度情纏綿流水千迴影別院風光羅綺春歌裊
舞袖競含顰芳事難禁得華年各自珍莫教蝶散花飛
盡望斷煙蕪夢裏人

九月十四日報罷獨遊北郊過龍神廟三訪軒中

看殘桂卽興

人生萬事浮雲空落葉又見飄零風枯筇隨意指烟杪
此境端合無人同丹楹畫壁日輝映高秋爽入玻璃宮
幔綃黑捲四海水我來正觀寥天鴻龍池凋盡楊柳綠

方碧澄空拭寒玉石梁橫處風吹衣時有翠禽兩相逐
落莫高軒吟可哀涼侵鐵網生浮埃三月春花如斗開
金羈颯沓使君來謂李榕園關部招我廣坐傾瓊壘醉看雪椀
堆楊梅風流雨散一消歇悵望今古空青苔清霜促節
華年改雙鬢條條不相待欲把當前芳桂枝緘情遠寄
東流海海水何時流復還馨香莫惜手孤攀所思容易
空山暮留取貞松伴歲寒

姚石甫

瑩

先生招同幕中諸公登平山堂游宴時

李申耆

兆洛

先生將返棹江陰毛生甫

嶽生

先

生亦言歸嘉定卽爲長句兼申別慕

含是集

卷七

四

揚州鶴去繁華暮喬木荒烟蜀岡路高寒惟有谷林堂
曠代風流此間住簷前黃葉秋霜斑階下千山連萬山
嵐光霽落一江水朗然照見蒼松顏阮生策駕每獨往
何幸茲遊與心賞綠水叨陪仙侶舟華筵請奉先生杖
殘碑淚墮歐蘇名今來爲政誰繼聲福星權借兩淮耀
膏雨人思五馬迎奇情不爲官書倦那惜黃金置高宴
竹裏珍廚趣騎多花開綵仗行歌徧吾師巨眼空雲霄
坐上賓客輕時髦青袍朱履最誰長李公學博毛公豪
留連更話明朝別別後書稀憶堪絕落梅笛倚君山雲
載酒帆張練川雪欲唱驪駒愁莫攀清尊且與惜酩酊

春風楊柳還來醉再拜臨歧惟勸餐

宮怨

青草縱復橫輦道四邊路不應親近人多被君王顧朱
顏空自知蛾眉更誰妬秋來長信螢飛上昭陽樹

奉和石甫先生放舟遊金山至焦山宿松寮閣

煩暘臥高館孤吟誰與酬清風江上來綠竹何修修昨
蒙篇章示如親漁釣舟出處會有適慨然臨滄洲塵勞
謝勝賞遙夜追良儔危峰挾飛湍爽激松栝秋捫蘿讀
碑石茫滅不可求窗明海月出幔捲天河流千嵐擁嶮
嶂萬隙鳴颼颼言論竹虛閣高寒難信留飢溺切斯責
舍是集

卷七

五

冬窗雜詩

寒威砭人肌陰窗坐清曉容華辭寸暉明鏡亦枯槁短
髮驚飛蓬壯心冷衰草冰霜繁舊蹤景光各自保獨引
一尊酒莫解憂如擣百卉空芳園秉燭詎云好簷前白
日遲世上青雲早蕭條眊頽波情與年俱少

微暄擁壞絮涼埃生薄帷寂寞委巷側沉淪掩荆扉故
人大隄道鞍馬流光輝志意本非異出處亦已違日晏
東軒下一編頭苦垂流連昔聖訓改善希庶幾良時望

莫及孤雲顧何依獨往二千載悠悠誰是非

中庭有嘉木得氣成根莖方春被和煦密蔭含青苔如
何秋風至冷落頻相催嚴霜夜肅肅朔雪晨皚皚枯枝
寒井側好鳥鳴不來潛陽動黃宮新萋復萌胎豈無美
顏色當爭桃李開飄飄彼陳葉漫沒隨塵埃

落日辭西崕寒風號北林向暮羣鴉歸哀鳴勞我心藜
藿不堪食堂上聊具陳遲遲睽飛翮無乃飢難任徘徊
佇前楹夜久天宇深羣動既休息清霜復盈襟渺焉江
湖意可以橫素琴

兀兀不足道棲棲復何求慨彼志士心寸陰爭百憂嚴
舍是集

卷七

凝變節候萬類咸低頭閉門理散帙出門違良儔我欲
乘輕車駕言登高邱遠望崑崙墟顧瞻滄海流噓吸應
靈宇春風條和柔天雞半夜唱旭彩升華阪汗漫期不
至誰當共遨遊

飛鴻翔廓宇潛鱗隱深淵舉頭仰梁屋鼠雀寂不喧儒
生有職守越席未敢前踟躕顧弔影望古三歎旃夷齊
餓首陽東陵終天年荒度遺明德圯族沉羽淵賢愚各
自致孰能知其原至道如太羹窈冥非可言

我友不冠蓋南山有敝廬門前臥黃犢甕頭浮玉蛆兒
童未識字但課栽桑榆役車今且息室家當樂娛醉飽

念其始還思具犂鋤暖待田鼠出青瞻莒葉舒豈曰畏
凍餒亦以充賦租伐檀昔有詠食力非苟圖平生趨走
地巾服慚真吾家乏負郭畝牀陳稽古書謀道不謀食
斯言宜勉夫

冉冉容色頹沉沉歲月積悠悠歡愛違望望憂端迫萬
物多苦辛天地以吾役聚散同大象是非一陳跡人生
夫何常年數不滿百我將齊彭殤曠古視駒隙此身有
無間那復悲過客

奉送姚石甫先生兵備臺灣

叢島盛樓櫓烟光清海涯巖巖一重鎮險拒東南陞夫
舍是集

卷七

七

子秉慈惠蚤備芻牧資春冰凜行路夜月空圓扉至今
三十載鏡吹喧生祠 天高聽何邇信結由 深知

召對 赤墀上指畫非徒辭遂令 拔擢意不次猶嗟
遲嗟峨木岡山寒風搗鼓輦戍士挾纊想番民安土思
歡騰萬茅屋色變千雄貔一綰金字印應如夙昔期祖
帳臨通津駸駸傳馳駿馬長嘶鳴光輝填路歧獨有
江淮士孤寒失所依雪罷東郭履霧隱南山飢從來文
章遇感激淋肝脾恨無瓊瑤報雨泣聊同揮鶴鴿有短
翩雙旌遙附飛青袍臥戎幕當忘遊子悲

時幕中納西
御舍兄書記

自蓮花橋放船回秦淮榭

橋東新拜故人居一棹延緣返照餘水氣涼添萍乍密
木陰黃切鳥猶疎隄昏路轉將簾几漿急風翻到葛裾
搖動波光燈火上歌聲何處畫簾虛

遊山光寺

隋代構茲寺厭彼山火文錦帆棄中道玉簫聲不聞偶
來話塵劫故事徒紛紛年深識松老禪寂離鳥喧雲翳
破秋殿月弦生夕園想因此焉寄言象何有詮飯散一
僧出經龕參至尊

仲冬儀徵烏塔溝展拜始祖墓遂宿宗祠西齋室

謹述

舍是集

卷七

八

有明昔龍興吾祖備肱膂戮力經四方論功報千戶祖始

福二公明洪武初以承事郎從大軍北伐有功授金吾衛正千戶華枝分太原京畿拱

茲土既考堂構新遂令枌欂樹樹閱祀今五百兆域尙族

聚甲科宏 中天文振往緒荆榮承 賜書槐植蔭

紆組六世祖復旦公順治辛丑進士叔祖復衡公內閣中書候補主事於康熙四十四年蒙 賜 御書

匾聯現供 奉祠內 爲將忌道家德基諒可觀再拜青松寒高風

肅河澣禮荷露冕瞻禁樵題在柱前權太守諸城李公來揭榜墓道永禁樵

牧

祠堂帶叢竹雪霽陽已微修廟潔時薦懸燈宿西扉緬
想門第盛隱維支庶衰祭器未成造先疇更污萊小子

奉乘牒顯揚期後來勵志惕霜露縈心交戶階倘興東
海嗣敢私二疏財繆哉北轅駕乃與時命違烝溫慕趙
邑亢宗憂吉懷明發仰不寐攬衣還累欬

爲孟慈農部題梁園大招圖

江都儒林汪容甫先生沒於西湖梁氏葛

嶺園道光戊戌中秋哲嗣孟慈在杭集先生舊游設位饋食繪圖者爲安吳包慎伯先生

梁園客去孤山椒夜帳鵠怨風蕭騷幾人素車重斯止
隻雞絮酒懷前耍小同長大傳絕學尤悲孤露攀松號
白雲帝鄉九萬里何時鶴化歸長謠像設君室啟層檻
翠幃華燭芳蘭膏辛甘行列粦梁稻烝臆雀炮羊羔
凍飲三酌炬收進筮廣巫陽魂大招潏水激激蝮蛇嗜

舍是集

卷七

九

元籟飛雪飄狂飈東西南北徑何往上下求索復某臯
天關揚靈狼縱目敦脈血毋非吾曹魂乎歸來享茲夕
明月獨舉湖波瀟景光掉首春受謝丹青圖畫明神昭
大儒狀貌吾未見每覺文采超宗超前年種藕慕塘淥
繪素曾記羞溪毛遠攄該慕幸私淑筆老敢望安吳包

題蘊生嵇庵圖

看君高談身八尺周慎未須如萬石一時傲然臨飛鴻
彈琴大有嵇生風卅年臥龍古茅屋命意新圖柳陰綠
山中靈芝長養生門前故人枉推轂休羨嗣宗能取容
醉草勸進何心胸我若相思定相就素書石髓期君同

寄羅茗香

盡日思君意空庭落葉俱地偏心事隔天迴歲華徂枉
笑邠生幕空悲阮籍途緘愁何用寄風雪滿江湖
近得書無報當知事未安人情看燭短身世與杯寬語
懶鴻催劇雲深句覓殘今宵黃鶴月應念敝裘寒

冬日與道樓出北城至倚虹橋下飲醉放歌

自君去我京華住憶別春風此時路三載吟詩愁寄君
知君亦望江南樹君思鱸膾空歸來揮鞭不顧黃金臺
我惜芳華等閒度花月茫茫散煙霧村墅經行人寂寥
頭顱重聚天遲暮鑪邊沽酒且爲豪何須更脫身上貂
舍是集 卷七 十
人生得失任所值相逢莫問杯外事下第劉蕡知幾人
迴車阮籍哭何地吳孃持觴催客頻蒼顏蓬鬢非青春
共君不飲到沉醉請看當前障面人枯桑昨夜風吹折
簷外高雲帶寒結荒沙四望烏雀稀慘淡黃蘆欲飛雪
落落風塵斫地歌陶陶杯杓盡情多我思荷插南山去
白日青雲如爾何

泛船蓮花橋下

芳甸乘興遠幽境待人迷花泚紅零水桑垣綠漬泥風
迎歌斷續烟泛槩高低好踐前谿約山尊客解攜

和春谷先生秋閨古意

瓊杵雙懸冷洞房，鳴絃一曲引清商。
鏡鸞不隔通宵影，衣麝猶聞去日香。
碧沼芙蓉零宿雨，金隄楊柳覆新霜。
遼陽萬里音書絕，夢入雲天雁斷行。

和蘊生三兄春閨古意

鎮日鶯啼百草芳，憑將錦字憶迴腸。
春風自度鴛鴦幔，明月空懸玳瑁牀。
繡掩青苔愁有跡，暖盈紅粉淚生光。
爲他五馬踟躕意，羞學羅敷去采桑。

齋中夜讀

余幼不好弄觀書具，深情身壯竟無用。
敢云世可輕有功，觀賢事無悶。
徵聖經多媿古人，理益重吾道。
營素景繩戶寂涼宵，天宇冥候蟲。
俟舊堵枯條，颯前楹凜然露。方下懷哉膏，繼明隱蹟盡。索聊當勤我生。

買書

日晡來市遊，涉目眇所好。愛茲佳書編，取值不論鈔。
廿年心歷殊一字，理解奧把晤如舊朋。青燈朗懷照自昔，冰厨藏紛然錦函耀。子行借已遲，潛夫閱難效。拂拭盈寸楮，頻看苦眸眊。置之几閣間，祇益腹便誚。

月當頭後一夕作

清簷側倚望長空，判得盈虧一度中。
影已回頭思顧兔，夢猶前夕問飛鴻。
相期玉鏡情何易，無限金尊曲未終。

底使團圞成缺陷雲邊天畔惜匆匆

江上賦春水

岷源遙獨溯巴雪霽全消濯盡文機錦飄迴畫舫簫巖
雲千葉映潭樹萬花搖那似秋河影年年渡鵲橋

潔園二鶴

潔園二鶴潔爲侶刷玉排霜好毛羽却怪羊公求悅人
偏是客來不肯舞一鶴獨止蒼竹林一鶴散步時相尋
低頭啄粟各異態仰翻空霄無限心曠漢翻銀露新落
驚唳猶疑半天作每憶青田孤舊雛似惜金精因凡格
主人周覽窮四溟樓中夜看相鶴經幾回露眼盼同放

舍是集

卷七

十一

擬報雙珠如月明

園爲中書舍人魏君默深築

奉謁姚總憲伯昂

元之

先生卽呈

星文執法柏臺專使節之江畫鷁旋投刺敢當聞日下
談經猶是立門前

總憲與石甫師爲族昆弟

寒噓谷口春風藉高想

班心鐵柱堅袞職盡思朝宁聖芻言何以附驄鞭

自君之出矣

自君之出矣無復苦相思願留好容色待君早來歸

春游詞十首

丹堵繚千丈銀臺起半空鶯啼沿御路花發徧離
宮嬌女金搖步仙郎玉翦瞳萬年歌舞盛長在日方中

簫罷秦臺降神來洛浦逢翠毛穿領窄花朵壓鬟鬆鏡
影懸波動衣香漬汗重微嬌嗔伴侶行疾故遲儂

窄襖繡鵝黃誰家玉面郎表聽金樂奏煙嗅紫瑰香映
水圍碁局當花縱酒場風流無一事贏得好年光

錦繡開平野煙花屬上春名香薰鏤扇細草砑雕輪山
淨雲塗粉天空雨漾塵午晴如酒氣偏自著游人

畫水新搖綠嵌山舊刻紅窗紋窺鳥入檻影約魚叢促
坐題詩客相邀淪茗翁灣箋雲五色貼作彩屏風

柳色帶春城河隄草又生橋空人有影波滑槳無聲簾
幙風兼雨池臺燕與鶯平山堂下路明日是清明

舍是集

卷七

三

小小木蘭舟舟行水不流雙柑鑄紫漆挂壁印青油影
急雲爭逐情遲翠軟浮嬌鳧驚避去轉眼在前頭

玉蘭連夜發花比玉樓高節已過寒食風還似翦刀芳
蹊啼獨鳥小樹著天桃隨意成幽賞萍浮綠半篙

慧因鐘外寺香影水邊廊竹筍長於箭楊梅白似霜晝
閑評薺熟午倦惱蜂狂暫避塵囂甚攜僧去上方

人散沙頭路船歸渡口烟籠星初照水兔月遠生弦薄
醉燈光裏嬌歌笛韻前夜遲如有待只在柳西偏

與汪君玉

琪

遊梅花嶺別去卽柬

園林不須僻好令芳節同曠遊恣春緒灑意偕塵蹤花

枝照人眼雜采紛玲瓏
晡日弄輕霽烟氛斂巖容
粉苞糝嫩綠珊瑚萼懸新
紅色凌翠苔上梢隱明霞
空景物浩無際清尊浮醕
濃邈爾與孤寄紛吾情曷
從襲芬應可保期幽殊未
窮皓月復此贈與子明深
衷

寒食日懷蘊生熙載浙江

去年寒食城西路兩君共
我題詩處今年寒食春無
聊相思獨夢錢塘潮烟花
漫說揚州早越水吳山更
應好一樣愁人欲白頭天
涯滿地皆芳草

日來香影廊茗飲必與程
大令笏庵紳遇作此奉

貽

舍是集

卷七

十四

散懷涉春興芳草亦已深
幽契在蘭澤忽來若相尋
人事又幾日佳賞還卽今
岸闊水異色城高雲度陰
遲景靡衆秀好風延一溥
魚沫傍船上鳥吭侵席吟
偶淹信有適外迫難久任
拙哉困野褐行矣抽華簪
毋日履坦吉而甘吾道沉
落落鐘鼎志悠悠江海心
清冷共一酌聊復茲苔岑

賦得春風送別

奏曲停箏柱飛花惜馬蹄
迴旋空欲舞徐疾未能齊
野霧雲難定蕪平鳥乍低
愁攀千萬柳盡帶夕陽西

春日漫興二首

養慵何事與關心
遲日生憎睡眼侵
閒處風花聊作態
興來烟鳥自成吟
梨蒸儘許山妻拙
石介難同故侶沉
書帙起予無遠意
晨軒還爲一披襟

一片溪光上岸沙
幾番雨色換林葩
酒多酌我教裘脫
戲每看人擲帽誇
賃屋喜逢新燕乳
呼船驚散午蜂衙
冠童都洽狂夫興
爛熳吾生醉是涯

奉送李月汀

璋煜 太守 并序

諸城李公碩學通材世爲循吏把麾江海今之
龔黃去冬汪孟慈員外自京介書屬必往見會
聞乞假常州且恐道左未果今年四月公以權

舍是集

卷七

五

守來揚仲夏始得奉贄請謁聽其言退然如不
勝任而仁義所存涂歌里誦禮教所被冰畏鏡
慚身教者從于古有聞不圖速化乃至於此時
者九穀登場五馬戒路惘懷有慕毗庶同深愧
乏文辭堪頌德政上郡竹剖尙思借寇幾時下
里歛隨聊和挽鄧百姓質諸身受當知非諛

爲政務勤敏整率先厥身我公本斯意三月治可觀維
揚望緊郡野占牛女分閭闔撲地起華靡瀉其淳儼然
舉帷始朱墨標僞眞蒲鞭不忍用但聞條教諄奇袞敢
冒禁奸黠同歸仁訟庭晝寥落那覩剖決神峩峩美童

冠濟濟賢縉紳廣延徐孺榻日坐論高文絃誦逮兩階
師表欽人倫詩書與俎豆庠序今盈門乃至憚嫠婦亦
蒙惠鮮恩積弊剔塵埋務令風義存張弛洞若此豈曰
徒善人憶方行春來布穀鳴朱幡民情凜畏日桑陰耳
與言從容飲和德腹滿猶未殫莫知臥道請翻謂長庇
安出入爭視瞻如親慈父顏涼颺動金昊秋成稼連雲
夜戶犬無吠公堂席難溫先期肅徒旅帳餞臨江墳珠
光返明月照耀前旌竿霖雷資岳牧趨玉鳴清珊陽羨
舊時樹夫椒雲際山輿歌一以嗣熊軾無從攀徘徊此
膺服將與公道論

舍是集

卷七

七

秋日喜晤姚吉甫

慶布

三兄奉陪泛舟遊平山堂

忽矣酬僑紆悠然泛李舟相思昔聞說逾望此同游落
日沙增霽初霜木減稠巖光爭晚態溪影疊寒流簪屐
忘言澹琴樽入醉幽飄香隨桂轉散彩逐葉浮岡獨沿
稱蜀堂高緬溯歐石龕雲度梵花幔鳥窺秋征轡君聊
駐漁竿我故投徘徊烟暝夕蘭棹惜難留

程笏庵大令歸自蜀中談巫山勝概因有感於高

唐神女之賦而作是焉

國風不可作信好誰後來八代盛文藻莫救淫與哀披
狂逮頽波目驚高邱臺朝雲冉冉浮景枕席隨之開灑然

風雨會懔悞淒心懷精誠託夢寐遂與神女偕稽水險
難渡佳期中道乖千秋一揮灑往蹟成塵埃巫峰十有
二點點生青苔聞說尙恍惚顧我空徘徊猿聲無處所
楚王安在哉惟餘雄風賦遠旨爭奇瓌知君慎師說無
慚唐景才

全椒金禹谷

望欣

孝廉以所得六世祖明少參樊

桐先生瑪瑙石遺印見示索賦

漢章秦璽那足寶堅白名留子孫保不見衰明金少參
私印今藏尙完好禹谷孝廉吾所知隸萼振振美詞藻
稱述祖德要我觀照眼清光瑩瑪瑙昆刀銚露良工精

含是集

卷七

七

鑱鏤朱文篆雲烏摩挲此物三歎息歎息將才晚方識
纍纍金印繫何人誓礪河山少顏色倉黃殺賊鄖襄間
轉餉監軍身際艱官檄朝馳浦子口羽書夜發鳳凰山
封函密識挽力竭刻苦臣心鈐寸丹平臺召對帝嘉乃
紫泥命詔猶遲願從茲玉石盡炎火一代功名青史殘
戰壘沙荒埋鐵戟什龔區區詎堪惜楚弓楚得亦偶然
要是先人手遺澤二百年餘華胄賢付汝經箱等球壁
報國傳家同不磨嶽嶽宿精芒視茲石

屢得孟慈員外書未報今並惠示綠牡丹詩疊函

命和却寄

筍束千里書交情不言見幾日思報章遲回望歸雁門
前垂柳行楊花已飛徧春風開素緘又展故人面示我
牡丹詩色稱綠油絹花葉寫不分辭情總惹舊想見蓬
萊人高齋敞華宴朝罷聯新吟玲瓏聲一片山阿時欲
晚日夕青苔戀思君心賞違懶問龍興院紛紛姚魏姿
無復白眼眩清絕茲奇葩雲端致深羨屬響獨後來敢
當羣公殿點筆題蕉封因之答幽眷

題月汀太守城西送別圖

束修慎出入無間徵人言本茲副時望榮先鄉里觀祖
帳想勝地却淇清合源秋旭九仙霽照耀紛川原綵服
奉柔色慈輿光路塵臨岐孰把袂平生故人親良時共
勉慰目視雙車輪清白誦美濟循茂希聲新彈冠二三
子諒哉詎無因素懷惜長別丹青要久存宛然尺素間
行誼瞻其全慚愧蓬樓士褐衣恆閉門

春水四首

聞道河源漢接連浮槎誰與問從天東風望眼偏今日
芳草牽情共去年無限樓臺窺鏡隔幾回鴻燕憶褰湔
分明照見花枝影半翦吳淞惜未全

迢迢舍北與橋西送盡輕帆鳥自啼極浦煙生愁易散
空江日落夢都迷更黏絮弱同泥誤休洗紅多聽曲悽

一樣華年千轉逝只應深淺意難齊

記得蘭舟泛若耶夜深和雨入琵琶黃流底遣尊前思
綠淨猶疑袖上華采徧蘼蕪中道阻隔餘楊柳各天涯
含情欲託微波訴隱約冰痕尚在沙

晷歷新陰撥漫開暗愁如雪長青苔消多淺黛千顰去
流斷游絲百丈來紅葉再題時已暮碧雲無定恨空回
闌干鎮日頻移立不獨芳菲付錦埃

春雁

莫問誰賓主春來只北歸一行連水渡幾翅著煙飛芳
草今情遠蘆花舊影稀鄉園行更暖無復戀寒暄

含是集

卷七

七

獨酌謠

獨酌謠獨酌謠春風春風爛漫花枝紅一酌玉階繞桃
李再酌金井垂梧桐三酌能合我心醉四酌不覺天地
空流連翠羽席徘徊雕綺櫳青天明月幾時有忽然飛
出雲海東流光激灑去不住照見杯中芳醕濃元髮忽
已變朱顏難再逢酩酊脫巾笑此樂誰與同人生異地
異形影何須久遠要青松

折楊柳

美人生金閨嬌小復何事但織迴文錦那識相思字自
從十五畫蛾眉嫁得良人長別離梁間海燕語門前驄

馬嘶頻看繡被春猶在一去陽臺雲不歸年年陌上花
開路歸來休被東風誤早知折柳能送行勸君莫種垂
楊樹

三日與夏道樓

問元

泛舟湖上

故懷卽新賞芳春無已時綠水澹容與有來同所期風
光朗上日衆秀咸生姿萍蒲媚清泳壺樽陶勝思嚶鳴
鳥悅豫天采林芬菲舉棹任幽適秉燭良匪辭寂處冠
綬志沈吟阿澗詩歎彼嗟晨風與子聊同歸

庭中見蝶

幾日未早起一春常獨吟綠草漸深處落花相與心興

舍是集

卷七

三

會亦偶致風來無定尋莫隨蜂子去辛苦覓芳林

詠蘊生石銚

白沙茶銚白如此宛是南山白石子柄長疑斷八月壺
腹大能容中冷水高齋宴坐罷彈琴呼童候湯蹲蘚林
松風檜雨灑然至不獨玉絃清道心

南城春望

極目春雲外芳原繡錯紋村陰侵靄合野鳥入風分暖
意天空著囂聲地迴聞遠遊思未果花事日紛紛

謁郝忠烈公祠時權太守諸城李公重修落成

崇祠依雲山遙指入涯際繫榜蓮花橋斜徑撥蒙翳門

宇方煥然竹木暎新霽遺像清秋高朱甍白日麗仰止
吾鄉賢數奇丁叔世豈乏明哲資莫識終風曠九死奉
簡書弗爲一身計實力陳實心艱難見經濟厦木雖焉
支王綱久陵替果能人如公勦賊詎不易乃知臣道成
匪徒命危致吞息求萬全毋曰他人事李侯權郡來百
廢舉以次樹善彰風聲千古明大義捐俸先屬官逐一
經處置樽俎康神靈榜署賜謚字揚州繁華區商民
近凋敝笙歌湖水空行人式斯地我讀褒忠編趨拜敢
後至明信羞溪毛虛堂儼深邃如聞秦關吟松風弄幽

吹

舍是集

卷七

三

一旦歌

鄙夫常患貧患貧良有因金銀錢刀是天下至寶自古
來原與仁義道德共保長存極極愚賤子翻笑賢達人
銖寸立權吏億萬曾非論自謂尙氣俠歌舞輕華軒西
方有姝麗捷黠工含顰哆哆施施相偕入門傾市惟所
欲恣意無朝昏奇技淫巧細綺輕紈對面爲雲背面爲
雨千金一笑化爲東海之微塵吁噫嘻不可言一旦失
憑藉餓骨填邱山

題問公海上移情圖

溟海空諸想孤情入畫看虧成聲亦喻離卽指非彈席

挂天風返蕉趺夜火殘
宵然相對處祇覺玉徽寒

寒竹

夢中十萬碧琅玕清絕
湘江倚玉闌粉膩浮雲春
尙淺叢分溥露暑猶寒
娟娟未擬羣芳賞落落
偏教獨後看苦憶北風
飛鳥盡年深冰雪與摧殘

壽劉琢齋先生九十

丈人少壯時隱行世莫聞功名
失憑借退然存天真肘繫青囊
方入市不取錢經書授子孫
晏坐長無言卽今年九十精氣
強且堅手把玉拄杖人稱地
行仙階下柳生癭門前杏成
田哲子施絳帳傾倒時豪賢
鳳毛蓄異采風度文孫
翩五月復誕會呱呱啼耳邊
團圞坐日夕樂意恆相關
荷花綠水上酌酒開華筵
一飲尙一石酤顏渥如丹
却笑淮陽老徒爲臥空山

邀同春谷孟瞻兩先生並季子熙載于汪氏兩孝

子祠種梧桐青松枇杷桂樹澤蘭書帶草應孟

慈農部之屬

我與農部交蘭臭無絕續
春天種蓮花曾向墳塘
淥昨者展雲留同心並承
屬爲言新祠堂深在萬竿
竹篔簹密還疎隙地可花
木東砌西陂陀一一指所
欲涼趁中秋前分根手親
督紅梅三四株繁共桂枝
簇周除繚微

舍是集

卷七

三

風相代散幽馥青虬牆畔故人
有後凋目枇杷離其旁
毋使長松獨對面高梧桐亭
亭削寒玉培土長如墉延
緣雜草綠書帶香紛披澤蘭
遂初服呼僮澆山泉抱甕
不須速晨去晡始歸歸來
啜茗粥書報京華人臨池
更燃燭

晚泊仙女廟題壁

客情渺煙波蘭芷歇秋綠
驂鸞人已遙斷碣不堪讀
卅年此停舟歲月掉頭速
辛苦仍前途烏瞻更誰屋

金陵寓中卽事

卅年蹤跡等流波波海
雨沙風拂面過世事相
看都逆旅

舍是集

卷七

三

心情無那只悲歌青燈照
影人如舊白髮鬪愁夢已
多是五更呼橐筆文章隨
例氣消磨

題趙承旨瘦馬圖

秃筆圖騶駟已老極意描
摹到枯槁天水王孫何處
看北道離離長青草此馬
雖瘦行步工龍種豈與凡
馬同若使縶維終不食秣
今瘦骨尙敲銅

冬至前四日同吳幼蓮

希齡

金雪舫

長福

訪智光

上人幼蓮繪平山訪舊圖卽題

香林諸天外朔吹開巖霏
輕舟溯寒水蘆葦時因依
共論俗賞謝彌念心好違
智公青蓮字三載今來歸
燈傳

說世偈壁挂行腳衣一意具諸應萬緣同所希堂前負
暄是階下流水非老梅動幽馥密竹籠深暉歲月幾彈
指煙縷存碧微吳生擅丹青畫手不可幾自圖復自詠
紙盡毫猶揮江山助奇興談笑餘清徹從茲證言象往
來應未稀

鳴鳳引

仙山曉日彤雲開軒然鳴鳳隨陽來啁啾百鳥不敢出
歸昌一聲諧六律空桑之絲解竹笛虞廷絃拂南薰風
無邪表裏簫韶奏有感和平庶政通鳳兮鳳兮今盛
世我願招爾下蒼天履厚地纓戴聖仁左右賢智一鳴
舍是集

卷七

七

回芳春再鳴贊幽瑞導大樂之鏗鏘散繁音之靡麗飽
餐玉實金琅玕歌詠昇平萬千歲

題蕃釐觀三層樓

樓上有真仙棲止求醫方者日相繼踵

居是仙家好樓增第一高碧窗懸日近朱棋結雲牢縹
緲空排鶴莊巖頂戴鰲華陽眞隱在藥訣度人勞

水飄未結

舍是集卷八

儀徵 王翼鳳 句生

贈夏退庵廣文並謝惠茶

讀書不求仕內存一何美高齋面寒蘿日夕澹於水識
君如故人名熟久在耳相見雖頗踈每來勞倒屣丸丸
秋園松秀色落窗几元談何轉雄百代過若駛歸楫留
故遲綢繆及行李蒙山雙茶籠清况持送是家近中冷
濤童識雨前藥自茲噉夜遙吟深寄君紙

懷汪孟慈員外

海內誰同調吾鄉此搢紳風裁矜國寶月旦望人倫閣
舍是集

卷八

一

擬孫宏敞書難賈誼陳近聞邀鶚薦當作繡衣臣

歲暮示弟二首

歲華高欲盡生計拙猶仍冰鑿連朝甕糧春隔夜燈苦
寒愁共逼壯齒媿行增念女衣裘薄頻添我未能
檢點經年事回頭半是非親懷鏡色喜學殖困心微山
遠梅應發檐空鳥乍歸有懷吟蟋蟀傍晚佇荆扉

寒甚

寒甚無衣客倉皇歲逼除雪思風歷亂雲望白蕭疎姜
被温難到朱薪負不如袖中磨字滅欲乞故人書

寄呈建隆寺後樓問公

建隆古招提屢有真僧至所貴超聲聞了然一切義此
心無無明來去任自致爾時眞實身一念記云異毫髮
容轉移卽非不動地吾師方妙齡早畢禪誦事面壁今
幾年屏棄到文字千百鳥巢中燈光照無寐叢竹堆樓
窗六時見青翠洒掃離垢居熏香達忒利諸天非想間
收視却羣魅夙蒙指示端感悟墮涕淚隔手深由旬微
塵積以意北風吹苦寒慘澹物華閱慨逝嬰外緣剖理
卓幽契安得方便門終釋煩惱累

今年元日至五日大雪試筆爲長句

一冬望雪不見雪盼入青陽坐愁絕腐儒惟願屢豐年

舍是集

卷八

二

醉飽昇平免離別去年春雪花微飄遺蝗亦未傷禾苗
今年元日至五日雪意繁連雨聲密或云陰沴爲水祥
或說盈尺宜麥實我愛乾坤玉鑿開紙窗瑩澈無塵埃
淋漓凍釋屢呵筆寒冽香噴新啓醅梁園賦手久不作
清興山陰想如昨自把高歌伸古情未許梅花太蕭索
堂上衰親七五過光陰休便付蹉跎靈辰穀日膏騰數
綵樹瑤林晴霽多

過西谷齋中留示

與君探梅有成約東園之嶺雲山閣看花有眼須及時
莫待紛紛如雪落幾日不到君齋中驀驚爛熳枝頭紅

想見虹橋蜀岡路萬萼千跼映苔布亭臺儘與花低昂
流浪風光那肯住今朝君出游何方茆屋一角已斜陽
無乃亦是飢驅將車輪歷碌隨塵忙不然孤興渺霞翥
水澳山隈先我去此地吟花苦憶君歸來試問雙梅樹
讀夢陔堂集有題階石詩偶和之

觸我當前思分明室可躋月偏殊匪轉花卽故難齊淨
掃空千汗借升各一蹊但教中矩立那問影東西

明日復至梅花樹下西谷已往海陵卽寄

我來倚樹君已行君去別花樹應滿縹碧嫣紅無數姿
今日重看正天晚微月孤舟還憶君蒼茫遙入海頭雲
舍是集

卷八

三

夜愁長笛一聲破吹落梅花曲裏聞

東園梅花盛開日來遊賞書此誌興

吾鄉勝事今已矣十里珠簾剩湖水祇留此地一角山
當春梅發于株綺初看縹碧紅珊瑚顆顆枝頭細含蕊
逐日和風次第催漫天香霧更番起苔梢屈曲岡玲瓏
粉萼紛敷亭邐迤天工人巧爭並誇庾嶺西溪未堪擬
烏帽欹斜光景暄着我遊踪在花底傍水穿林行幾回
但覺蜂聲不離耳花應習我如故知我亦看花太狂喜
午氣纒勻濁酒消晨光復帶明星指歷數嬉娛自童叟
還追俊賞皆閭里片石難忘翠羽情倘來魂魄猶登此

油油滿地青蕪長鼎鼎百年白駒駛底用吹簫真學仙
何須下帷苦窮理興乘雙腳蹠踟來百徧那嫌折屐齒
試問韶華能待人花外啼鶯啼不止

贈陳樸生

幣

翩翩絲繡面初經道誼文章見古型露頂雄談高白社
苦心竒字究元亭花開野寺琴方散草軟山橋酒乍醒
相對更知君意厚不堪身世說書螢

河干咏二白鴨

柳下看眠鴨渾疑粉琢成路塵侵滑墮春水怯寒生對
月雙迷影當風一顧情江鷗無比潔見爾曷羣驚

舍是集

卷八

四

往眞州道中同箒山

並蹇貪同話相於野興幽田廻青潑麥水亂白通溝午
食聊持粥春衣尙雜裘郭門知不遠山色近前頭

出儀徵東門與程三箒山

標

潘大北海

宗鄭

同車

又賦同車什歸匆路不歧背行山色去瞬入樹陰移程
子談傾蓋潘郎髻感絲勞生嗟轉軸着地任風馳
阡坂逐高低行行過大隄帶形線窄水膏脉動新泥烏
喚村猶靜花爭樹未齊好春期爛漫休惜手頻攜

與楊樹人

善本

王春茗

恩湛

遊十笏庵

茆茨淨不掃了然塵外蹤何須結非想復起青蓮宮龕

中坐一佛堂上無鼓鐘稍偏作斗室四繞琅玕叢安窗
背日色照影都玲瓏于此息諸念反觀心諦融那知埃
壘界種種春花濃人境固如是吾儕欣所逢慕道詎希
遠見真聊自慵蚤懷退修路斷除嗟無從二子青雲器
行矣搏鴻風面壁自茲始願言毋苟同

偕茗香樸生田季華

普實

過建隆寺經樓訪問樵

上人後更游龍光寺

蓮社名高喜共尋榻來春服引苔岑禪精已是超緣覺
絃寂何從託賞音衣領世塵常住地樓懸海水不枯心
若教更演無生偈無限雲山自此深

舍是集

卷八

五

手指龍光徑迤西香林晴入午烟迷門遮草密疑鋪罽
廊瞰松欹似飲覓散去僧齋和磬遠逐將人影趁蜂低
嬉遊莫放芒屨歇轉眼風花一劫泥

再題龍光寺後院

階寂緣已滿樓空僧未出是香非是花無影豈無日爾
時衆蜂來采得何處蜜不悟本有因譬如入漆室

與劉楚楨孟瞻先生梅蘊生汪醇卿

廷儒

探梅湖

上遇大風進舟至倚虹橋共飲村店

生事不自主飢驅車靡停遂令膠漆侶相望如晨星及
茲一聚首共指雲山青山梅遠近樹粉萼應含馨理楫

恣幽討波光已不平忍寒爲添裘待渴聊抱罌忽焉衝
颺來勢欲翻滄溟涼霧混野色白攬天冥冥狂號振崖
谷響答萬竅靈鼓舞蟄壑振零亂芳園鶯舍舟急登岸
戒巖積羽輕口塞但聘顧衣翻殊窘行酒帘似招人徑
坐趨茅亭茫茫大造化紛紜勞吾形雲端萬變態足跡
千浮萍野藪摘已滿匏尊酌方盈且盡此時飲兀然同
忘形那管門外柳笑人眼獨醒

楊柳曲

一樹春風萬樹青三更別夢五更醒如何半夜清箏發
彈到飛花不淚零

舍是集

卷八

六

條短條長不自由惹將閒恨與閒愁啼鶯若會飄揚意
只說相思莫說秋

見桃花憶舊遊

臨河桃幾樹花時爭亂開記取幽窗下紅侵日色來吟
情惟柳共勝事有鶯催流水一以逝芳春看又回

與笏庵郊外行

水隔桃花臉欲波絲分楊柳手新搓眼前春色已如此
世上行踪將若何十說蘇秦嗟我後一鞭祖述望君多
錦城劍閣崢嶸路幾日驪駒把袂歌

方竹杖歌爲戎侶鷗翁作

侶鷗老翁七十強鬢足雖健須扶將吳生

熙載

會稽訪

禹穴截得筠根如玉方摩挲圭角拂爪指爲杖奉翁翁
色喜拄向春風蹠蹠行攜歸夜月稜稜倚高冠樸履清
有神苦茗獨啜過三巡欠伸欲起更把看堪笑規圓無
數人

九日南城樓登高

九日南城樓登高

鎮海關通關巖城帶膏壤江嶺肩堞來樓費翼雲上微
與窮登臨嘉辰獨遊賞蟋蟀悟勞歌光景屬遐想晶晶
寒水明歷歷秋郊廣草隕含霜淒林空遞風響龍山矜
時名東籬息塵鞅遲暮憂每懷俯仰道安放

舍是集

卷八

七

春谷先生蓼園玉蘭二株開後根下復茁新條作

紫花數十先生舊有辛夷原是玉蘭花之句謂

此可證頃以詩來招看並命屬和

歲歲蓼園玉蘭樹是我題詩最多處我詩那似先生工

萬變光華目精鶩花時風雨愁今年想絕看花空綺筵

豈料瑰姿復溟洩別將丹蘂呈鮮妍文章狡獪詎如此

筆爭鑪錘化工始風流老却玉立身翻出心花怒疑紫

我來說詩先說花更將詩句花前誇如何異采與人競

原是生成無點瑕

寄姚吉甫二首

憶着秋風裏迴舟散醉顏相思纔一面惜別更千山木
落寺黃照萍深溪碧灣蜀岡圖改色遠夢與誰攀

去秋同游

蜀岡吉甫
繪圖以紀

情至書猶嬾芳菲事日紛天空祗隔樹春今不開雲身
世羊歧我風塵鵠望君會須勤十駕青紫亦超羣

寄謝胡季堂

光

三兄惠茶

光

昨日奉書使回船自漢江寄我上野茗知君心好同宛
轉白毛色雪霏千鍼鋒當是騎火造成茲甘露叢吾聞
丹邱子採服雙玉童暫時生羽翼直上凌虛空不謂陳
平門蔽席惟自容鴉塗日汗練煩悶填膺胸春寒少和

舍是集

卷八

八

霽沈陰兼暴風開緘一相憶如豁雲霧蒙雨水乞兩銚
獨煮東階東花蠶泛碧乳滿椀清溶溶此時沃枯腸三
峽靈源通那知藜與藿但覺思綺濃漸漬故人惠吟將
膠漆裏明月望黃鶴寥天聞夜鐘

雨坐憶星台齋中海棠已開作此代柬

何許相思切眼爭花事過商量情入畫綽約韻微波只
有海棠好其如春恨多十千買無似日暖與風和
院落沈陰外紅綃淺簇齊尊憐今雨跡苔想舊年蹊葉
蜜蜂黏翅泥深馬隔蹄知君心賞寂燒燭苦吟低

春日雜興十首

韻藻

消息芳華一寸心臨風聽鳥漫沈吟浮雲不定東西影
夢向朱樓那處尋

楊花依舊點芳筵燕子飛來劇可憐只有鬢絲忘不得
一回頭處一情牽

百幅煙雲遞畫圖畫中人影望模糊不知何水何花草
落得征鴻淚點枯

絃絲管韻滿虛空人隔闌干聽不同度盡金尊無限曲
等閑忘却東風

籠頭破帽煮新茶身似枯僧未出家忽憶建隆齋閣下
微陰開過白藤花

舍是集

卷八

九

鶴去青田掩畫屏睇餘天末晚煙暝含愁不醉紅燈側
留取深宵半晌醒

誰氏荒園散綺埃春風依約舊池臺蝶飛不去青苔晚
知我吟來日幾回

記得垂楊拂路塵立殘飛絮送行人青青又入風前眼
棖觸河流一愴神

簾櫳寒逼牡丹時風剪初晴穀雨絲反被羊裘花下坐
盼他蜂蝶亦來遲

春夢荒唐四十過年年繁艷與消磨若教種取青松樹
看向雲霄色幾多

稻菴方竹

之江山奇水屈曲學使廳前有方竹分根合置稻菴中
越客歸裝載一束前年泥活春雷時色慘枝低不成綠
去年怒筍披蒼筠割手鋒稜如破玉似龍初起拙盤拏
若鳳來窺異凡俗主人瘦面吟清詩對爾何妨骨無肉
我亦蓮花舊幕賓心識此君古節目當時未竟移庭階
寥落而今負團菊

賦筌團白石假山和春谷先生

邱壑誰胸造相看摠絕倫興乘霞上作形貌嶽中真刻

削樓齊玉嵌空水挂銀出雲窮意態當日墮埃塵蓮素

舍是集

卷八

十

房重疊苔青粉細皺千巒聯錦翼一窟蟄陰鱗笑花
懸地梯緣樹折入響穿絃舊操高蔽月初輪翡翠低巢
侶辛夷朗照春晶屏燈引着畫罽酒傾頻煩降想孫登嘯
來歎郭泰巾再摹漱齒狀瞳後篋成新

英穀雨日爲江都儒林汪先生墓前補種蓮花因寄

去年清明時種藕逮來此裁縑繪成圖馳報遠遊子阡

樹方鬱葱塘綠又春水遙知鸞閣人瞻望未云已田田

隔前葉灼灼想丹蘂相期密不疎芬馨襲予美亟爲移

早根駢填補雲浹微風吹蜀岡雉草銜屐齒回視茱萸

灣帆檣歷堪指淡沓殘雨晴土脉汎泉起陳薦溪毛情
聊用申企止及時懷星軺行春向河濟功恢富民渠譽
茂鳳舉軌發皇披波瀾卓犖脫泥滓植躬應如期榮華
立可俟流連君子風似續諒有以

題建和姪畫二幀

山形帶平林崑碕自高下似有可行徑而無采樵者着
色明禱蔥天光入晴野隔谿雲溶溶飛來鳥亦寡安得
空亭中終日坐容我
層峰上無極相望空杳冥有客石壁底孤據長松青飛
瀑何從來穿雲未能平直下二千尺落作寒潭清疑爲

舍是集

卷八

十一

隱者寫娛之箏箏鳴

寄道樓

別處未及別猶疑歡笑場再訪僑居宅又知辭故鄉君
家門臨大江水江流日夜無窮已記看秋月圓似規更
見春花照如綺揚州簫管空前遊燕市酒酣何處樓寶
刀駿馬意氣在曳裾恥學干諸侯故人索居無遠志蒼
涼墮甌悲生事飛盡茅檐新燕雛掩入山窗細苔翠側
身望爾殊風塵楚樹吳雲又一春何日鯉魚寄書我煙
消河濟白波渾

題仇英畫漢宮春曉圖

樓觀參差曉氣中寫來人影尙朦朧花迷玉戶觚棱遠
樹繞香車閣道通何處更衣雲髮理此時吟扇月團空
乃公已苦朝儀束那有輦揄法後宮

寄毛生甫先生吳門

丈夫何處報知已嗟君尙在風塵裏虬髯大腹眞人豪
而今髣髴看蒼矣卅年著書依老親氣鬱健筆何輪困
詩篇擬抗杜陵席史才直溯龍門源翻身自渡橫海舶
長劍歸來五湖白勾令丹砂終不成空向諸侯作賓客
昨者緘開鶴市書謾疑郢燭聞噫吁未能作尉學梅福
但說吹簫逢伍胥杜鵑花發吳山綠君因長途我茅屋
舍是集

卷八

七

隔面難消酒一卮仰天欲斷烏三足風雨愁人獨卧時
深江逆浪搏蛟螭夢來那識閭門路遙想魚文如練馳
偶作二首

不羞干世策那學閉門居命偶因途悟心聊與事疎歲
深松獨撫山暖藥堪鋤豈必乘鸞鶴飄然自敝廬
古情風雅在求故亦何人茫昧空山跡超騰逸驥神點
將枯筆管轉到法華輪更拂塵題壁吾生待假辰

乍晴

乍晴雲破欲炎天午榻留人夢一牽日滿綠陰蟬尙早
風徐芳徑蝶初前耳塵寂叩清餘韻心味閒尋淡入禪

庭戶莫容吾不出脫巾剛對馬蹄篇

雨過

雨過風留幔斜陽尚動光幾花紅驟落一竹綠新長簷
峻分殘溜楹疎切暗涼應知弦索緩朱瑟待更張

北郊夜行有作

卽事違吾徒後趨獨行展延緣度修坂夜況清以寂規
月林盡懸寥空隱退碧亂莢明深凜陰岡露危隙險履
途前夷曠望野色積遙遙厯村墟晶晶盪心魄杉風輕
忽吹莎露淨疑滴逸焉霞海踪迫此歲時役谷口若非
遠鹿門有高翮尚懷古賢人雅慕今未易且與驅車輪
舍是集

卷八

三

終當息陂澤躑躅聞雞鳴深吁發短策

病起自述

風淫及元氣百脉皆中傷反覆逮晝夜欲起難自強蓄
艾嗟已晏疇祇因無方荒忽付偃卧心神關較量冥思
古人理條如逢扁倉真精守勿出善視陰與陽
人生無百年幼弱到衰老中間邪戾侵日月幾餘好風
光及茲清文帙映階草披衣臨前楹睨聽時鳥讀書
非求名內獲固爲寶何必登岱嵩始當豁懷抱
學術承青箱吾生有素業奈何厯壯強立志困疲茶旣
昧庭誥明復荒祖緒接發憤遲蘇洵雖悔詎可及友朋

導我前經史供我涉常懼時不留命先朝露溘

沈與九齡上舍以所得唐米氏女墓誌銘石拓本

八屬題

米娘銘誌伊誰筆片石鐫文瘞幽窟江陽久革唐置名

世閱千年土中出吹火來照以手捫沈郎嗜古今靡倫

拓成一紙先示我點畫可辨磨損痕婉婉深閨人未字

掩沒芳徽那知異濡哀寫似澤蘭辭飄瞥烟鴻認書勢

鱣堂遞獲貞元珉梅君蘊生得淮南節度副使田仇墓石其門人田季華得杜夫人墓石

爭云堪埒萬夫人汪孟慈員外所得大中六年石况茲八法更完密

哉薛褚遺清塵我欲訪碑徧寰宇半生足滯蓬蒿堵收

舍是集

卷八

古

藏亦復非充厨每羨琳琅向人聚海陵宋刻名題齋近

得咸通新石來秦州夏退庵學博始得宋將仕郎姜諤墓石因自署宋石齋近又得唐隴西李

府君墓石穉庵尙誇什襲美謂兩參軍無與儔兩參軍見梅詩自注謂田

君誌石之書人及撰文者麻擦病眼更看此想著莓苔跡親洗中殿

畫像雖難肩阮相國得漢厲王中殿石鼎舉田梅足豪汪儒林得射陽石門畫像

矣吁嗟玉質淪重泉行孝名貞今與傳不是休文蒐放

佚何從畫舫增新編

久不見金禹谷孝廉作此代柬

結交既已遲又復多間隔諒有相知心確然持介石平

生甘瓠落所求獨晨夕每見紫芝顏如披靄霧積肘後

太公書簾中阮孚屐挾策時歸來笑談轉豪劇入市訪
君平啜茗對一席慷慨歌樾驥令我氣振益春城乍揮
手坐見炎暑迫翹首思碧雲天深渺良覲去冬歸滌船
留餉握中璧去冬見貽所著清惠堂內外集休文賦郊居敢云識雌霓
才奄江左傑字字足堪惜寒梅花下吟至今此情脈抱
病臥匡牀憂來理難擘文園渴減肌蔣徑草蒙跡思君
如七發起廢當金液不辭蹒跚行看竹倘相覓

江上觀競渡

菰葉青圍水上舸曲江亭子簇雲高錦旗畫鼓分曹戲
怪底天風作怒濤

舍是集

卷八

五

日暮飛殘十萬標雄龍呼尾入煙寥楚人哀怨分明在
一種鋪張似大招

避暑青城道院贈崇石釜羽士

仙居不隔崑塵市十二重樓半空起手攜硯匣日日來
吟漱華池玉波水圖開寶笈眞形存五岳丈人青城尊
誰將縮作一壺地丹鑪深閉元關門門前謾謾松風響
銀海無塵落清想弱水三山桃可花獨鶴東飛寄書往
聞道靈根三易胎千年鼻息如嬰孩白雪黃芽要人種
不授口訣終泉埃我視金光晝垂目苦厭人間太炎溽
夢中偶覓紫鸞車恍惚前身住天國羨爾餐霞凌碧虛

羽衣綽約冰肌膚含誠相見不聞語疑是神人來藐姑

題朱震伯

鉉

臨流賦詩圖小照

卷素披橫波澹然涵咫尺貌將賦詩人好影如不隔空
山深復深落葉總陳跡惟有獨來心流水一相覓

題賈稻孫詩集

學士勘空文性情入搜討硬語含精靈清規異潦草詠
史非其人塵封眼一掃志道于古求卓犖自懷抱不謂
東野窮竟作詩人老燈昏鷓夜驚秫薄酒晚造同時聲
氣儔吟嘯各枯槁傷哉怨歌行昏乾叫蒼昊

康瑞伯招陪同好諸君飲倚虹橋下

含是集

卷八

末

蒙密籬欹徑深沈店隱橋興來偏有著情遠故相招酒
盞傾芳夕燈光點碧寥涼風延四坐高詠帶螢飄

野莎團客影亭不隔周遭地迴千林暗天空一月高愁
憐吳質病狂益次公豪此夜良難繼連觴且共陶

青城道院習靜書致蘊生四絕句

別來松樹老窗前小隱居然睡欲仙却恨黃金無術致
等閒滄海變成田

我思老子信猶龍何處能尋去住蹤但把片雲窺色相
已教鮮采出羣峰

夢裏珠光月在天丹臺夜碧四無煙千年一說蓬瀛淺

合向洪崖拍左肩

玉訣陰陽納寸心頭顱那受雪霜侵壺中自有翻身地
多少乘鸞客誤尋

送程笏庵大令服闋赴蜀

除服日已越和琴聲未成詎此惻怛意而失仰望民良
時謝儔侶自茲君遠行楚尾換蘆色扁舟江上輕舉袂
一相送巴山多月明古者秩千石責實褒榮名志士不
避難末流徒絜楹會應鳳庭集何須塵甑生高駕得所
際一蹴當千程瞻望吾已矣浩歌返柴荆

寄懷笏庵

舍是集

卷八

七

劍嶺巫峰曉鬱蒼舟行何日過宜昌夢中遙識啼猿路
不爲相思已斷腸

病中偶作二首

歲月輪催阪不停又開生面與勞形一身寒熱神分擾
萬死艱難夢獨惺晨冷擁衣先鳥雀夜深支鬢近霜星
虛中惕惕思親老珍重膏肓付朮苓

強起依人粥火殘昏燈疑語對晨餐早嗟體弱爲文累
漫說愁長養病安遊士途空悲驥尾故人心遠隔豬肝
憶來無限生平事翻臥匡牀向裏看

早發瓜洲

病跡滯寒威曼端迫前期舟楫非有繫所嗟時候遲
撼林莽出漻漻魂夢馳衝流越凌亂碣岸相傾歎昨宿
晚投枕今征早披衣巖霜斂層昊朝陽生遠涯天高耀
雲物地迴紆巖蹊夙志困退遂遐想窮登躋東川旣不
舍短景方汲西且復逐奔湍行矣增途悲

日暮沂采石江風逆不得上

舟危行故遲客淹已屢宿今晨望南州山水際所屬江
光晴稍寬霄景暮漸促百丈牽風漪纜急更流速橫磯
截飛湍奔峭勢陡蓄岑空澄晚陰颺散亂洄澗前趨知
失夷倒退類就熟振柁旋浮漚息榜倚寒澳遠懷謝家

舍是集

卷八

六

風近企翰林躡幽詠逮宵深瓢酌聊自續

走謁車薏園

克慎

督學奉呈

風霜險阻難油

兀然身世付元亭爲識荊州眼一醒雪立未因門列戟
風流猶是席談經芳尊夜啟青山聖明月春揚采石艖
若使芙蓉長近接應教豪素丐餘馨

自姑孰返棹江行

卷八

蟋蟀悟勞者歸休程欲并殷勤謝津吏水順途覆經布
帆放中流安穩連日行午氣暖敞縵登艫散新醒三山
引睂睫列次含暉明釋雪凍仍在隆窳巖露形渡待揚
子驛柝聞金陵城回思所履險坎脊身出輕垂堂古先

戒胡爲茲易情太息北翔雁冥飛猶有營

寄芻庵

劍外春應滿江邊興自歌鶯花留我在山水憶君多醇
共郵筒美絃更蜀國和三年行又及與誦問如何

送蘊生計偕入京

儒者謳吟不出屋咫尺繩樞限心目投筆有時作大言
科第何顏筭榮辱豈知赤電追風騮不遭駕馭死且休
蘇卿猶須十上說管仲那辭三爨求要使青雲試利器
每嗟白髮空垂頭平生誰拔氣抑塞爲君一豁胸煩憂
君文無瑕如白玉君行有節似秋竹登高作賦摩班揚

舍是集

卷八

九

鑿壁研經申賈服讀書萬卷無人知往往空堂自歌哭
而今待詔公車門所學有體用亦尊躍龍際會眼中
見抱璞聲名日下聞努力天衢勿回顧尋常笑殺蓬蒿

人

奉懷包慎伯先生西江別

卅年韋幔奉春湖裘帶風流絕世無每策萬言規賈董
曾鈔三賦括京都驅車說士龍門望脫帽臨池草聖呼
邗上舊遊人海盛幾回假譽到潛夫
記送雙鳧弟子班尋陽舟下訊平安江清共說投錢飲
山爽頻須拄笏看騶國欲行非舍我朝歌偏往不辭難

吏民可似桑陰雉馴得仁風報長官

爲汪孟慈農部題授經圖

業經若作室繼世堂構美總角能授書卓哉有此子鑽
研三十年孤露感流水丹青摹庭誥古型肅焉視自昔
尊傳薪多文陋小史洽聞觀厥通大用備兼體獨許善
一身行則正萬紀風世而勵俗懦頑蹶埃起我讀述學
編天人抉精旨明堂畫成圖廟主躋餒鬼就中糾時繆
女子妄行是堦迎齊告神靡他阼階矢豈其謹於生反
可忽諸死迫切喪降親衰麻太無理或云守志終此志
問何始比之踰牆奔足闕非禮禮履綦雖塵遙手澤抱

舍是集

卷八

干

猶在短衣圖中人逐一經覲指繩步趨金倉羔羊日嚴
止言動必引經優仕識有以清白遺關西作述邁中壘
張皇幽眇情式是八達軌制度登雲臺高議會見采夢
寐仁壽廬楹函發神解懷仁壽之廬
見自題句注

醜菜

五黃頭風世面酸谷盡酸風氣賊天儲

恥謁忍歲荒旬御食不足殺氣趨元陰萬植更卷縮愛
彼秋末菘茂茲老圃毓精治謀禦冬可以當旨蓄列甕
呼寒菹江鄉浸成俗清晨送園丁百本具數束鮮翠團
衣雲玲瓏錯婉玉洗心汲泉甘扳根縛茅綠霜月野一
空肩擔市相屬鹽價乘時昂官倉雜泥濁值菜倍什強

便得非所欲別有臬取私瑩白出沙漉越漏巖關稽低
賤負求鬻未敢干憲章貪美爲口腹蕭索山廚晚艱難
世途促鼠竊何足云蒙垢惜芳藪生理聊自支手足助
髯僕箇實黠些兒薑芽剝拳曲待拂春冰澌開封散辛
馥跪奉堂上人嘗酸佐豆粥

落帆牛渚卽題二絕

浪逆孤帆撥不開青山明月暗珠胎臨流一弔溫忠武
安得靈犀燭水來

供奉樓前火數星蛾眉霜落舊空亭清吟自遣菰蘆興
得意何須謝尙聽

含是集

卷八

三

戊戌秋仲晤吉甫同泛舟遊平山堂卽別去前蘊
生自京回道其有繪圖屬題又以札促謂斯遊
爲訂交之始不可無詩作此奉寄卽倩書人付

圖後

交道縮心心不改一別三年隔江海每憶秋湖風景清
扁舟握手情如在當時李郭都超羣贈縞風流還憶君
殘笛同聽廣陵雨斷碑猶說會稽雲雅韻清談紆佩璫
醇飲周郎我心醉野市登盤蝦菜多紈扇搖波鷺鷥睡
風漪不起淨琉璃碧葦新高雙漿低月觀舊疑梅嶺外
雷塘遙指竹橋西平山堂上江天暮依稀望見南徐樹

果令遊客不思家倚嘯歐公詠觴處傍晚沙頭傷別神
素琴歸歷京華春書憑尺牘言堪重畫卽空厨境是真
流連雅寄辭無已寒雨昏燈夜伸紙爲報圖中催句人
夢寐相思共煙水

蘊生好古于山光寺側獲唐貞元石畫像載碑久
要拙詠又今年七夕春谷先生招集且齋悼逝
懷遠爲七夕話舊圖示序云倘詩不成有如瓜
果刻稿旣竣矢心閉戶奉親餘暇專習經義吟
弄章句絕響于斯顧維前命幾負諾責謹以五
言爲詩之正則自來盡美亦在是焉爰據二圖

舍是集

卷八

三

各賦一章並載卷終用報師友永申繾綣云

七夕話舊圖

時汪冬巢先生已歿
劉楚楨先生宰文安

感時靡停思觸物弁積想風景彌歲同人事逐塵往開
筵申蘭卮杳展展琴幌巖葉涼漸生池波月初上共指
雙宿期高論千古賞稠疊權屬今契闊跡數曩逝者神
永離文采益幽壤賢宰蒞近畿巫宓政何放雨散天太
空襟違地非廣畫楮留雪泥攄懷續聲響隄前陰不居
物外理固儻願以去化情永奉優游杖

題載碑圖

唐討擊副使田
府君侁墓誌

百代掃風簞尙論披遺文圖史半缺略臯壤情詎申副

使有窆穴久閉臨灣原華胄溯陳仲潛珉刊貞元夫欒
勵土出吟篔吹火捫江都昔建節裘帶經戎旆威落梁
李胆智整關張軍入汗保純德累爵彰殊勳歸喪阻涇
北山光留孤墳憬然式前歆允矣告後昆封樹輦石返
洗剔黼泐紋翩翩兩叅軍翰藻都絕倫什襲計匪私信
好古所敦響拓素琴和倘來靈其欣

孟慈太守住北來寺頃接手書奉寄二絕

清郎今復作清卿五馬來時有直聲只是山僧輕篋甚
齋堂題句任塵生

手緘三啟墨濃濡議祀臧洪駱義烏孝子祠邊今夜雪

是集

卷八

三

高情竹柏不嫌孤

庚辛二歲詩不錄惟此並前三首是近作

舍是集卷八終

